





少保姚文敏公文集序



少保姚文敏公既卒葬之

明年其仲子中書舍人

執其遺文若干卷過予請

曰先君積學勵行歷典清

要者數十年今其已矣而

姚文敏公遺稿
明弘治刻
三冊

精神心術之微幸脫煨燼
而未泯者惟此二三爾
重父子荷先生知愛之深
寧無一言之惠以增重之
而使傳聞於後乎予曰三
復之而為之嘆曰公以清純

淵雅之資廣大弘深之量
高明該博之學少有大名
歷躋通顯典司封駁掌邦
禮位冢宰務持大體不事
末節以古人自期故其芳
聲偉績見於

朝廷施於天下而戴之人心
者洋洋乎民到于今稱之
而不志也然公之於文也
以理勝為主而恥事彫琢
每建大議決大政意到落
筆萬言立就酌古準今曲

盡事變而無遺情浩乎
如長江大河一瀉千里而
不能窮其源也魏乎如
泰山立嶽吞吐元化而不
能盡其根也至於騰蛟龍
起雲霧霈甘露以潤澤天

下之枯槁者雖愚夫愚婦
亦皆知其功力之廣大而
感戴之無已也豈若彼淺
丈夫者學無所本用違其
志忘己徇人徒取聲譽於
一時而無實德於民者之

朝受可倫耶且公之在

列聖之知而矢於其位文章
政事為時首稱載之史冊
銘之鼎彝如精金白璧世
所共寶奚俟乎茲集之成

而後傳抑奚待乎予言之
贅而後人知所重哉雖然
繼承前休以圖不朽者子
孫之責也幸力成之母急
母忽時

成化十九年歲次癸卯春

三月望

光祿大夫柱國

太子太傅吏部尚書兼

華蓋殿大學士知

制誥

經筵官眉山萬安書

吉順

同治庚午
南州學
正印

少保姚文敏公遺集序

文章政事心之跡也心之所存悉於身
而見之於其行之當時遺之及世即
其事同其言是惟之公天理民彝之
常之不可泯者其邪正隆污昭如
日星孰能得而掩其毫釐哉然
文與事同道窮與達異趣達於政

者或不及於文富於文者或未施於政
窮達之趣異而所當之事殊故不
得而兼全也使或政施於當時而一
世膏沐之言傳於後世而末學景
仰之惟德隆道尊心純識正醞蒸
華清淑之氣於太和元氣之間者
孰得而幸致之哉少保吏部尚書

姚文敏公其人也公少有宏志以春秋
三傳發解南省得為第一而天下以
涇義游藝塲屋者咸宗法之後入
諫垣屢陳大議從容雅重不事浮
靡時以公輔屬望焉繼而典邦禮
總百官表儀凝重德量宏深謀
漢發敏卓，守一代之名輔也柰

何天不佑德老成云亡而轉頭為事
陳迹矣其仲子中書舍人璽以其
遺文數用因百請予序之予素為
公不鄙久辱知愛安敢以荒蕪辭
哉因三復讀之而謂之曰公其偉文矣
哉文章政事自其心之所形見者何
真若是之兼全耶語其才如何
流滂沛不待跡決而自出塵滓也
溢其達如庖丁解牛不待鼓刀而
自得其肯綮也溫潤者如玉之產
於藍田明潔者如珠之乃子於合浦
壽容典重又如金鐘大鐘之在東
序動中律呂而不可以淫哇之聲
亂之也其視彼小者挾聰明之

資竊取糟粕幸耻組綴以
塵俗而就水聲譽於朝夕者
實天淵乎宜其言之必傳也
謹識
此以歸之是集舊名若器
直豔堆
稿累厄於火而所存百十年
因
易今名云

弘治三年庚戌歲夏四月
地

榮祿大夫

太子太保禮部尚書兼

文淵閣大學士知

制誥國史副總裁

經筵官瓊臺丘濬書



太子少保兼吏部尚書姚公像贊

瑩乎其外玉潤而冰清確乎其內理具而氣充德業昭于
盛時簡命出于淵衷執正議而不同臨大事而不伸
藻鑑之明足以登崇乎俊乂才猷之著足以黜蔽乎時雍
噫其所以默植天常者孰非斯人之功也耶
資政大夫戶部尚書濡須薛遠拜贊

損庵先生像贊

貌恭而肅氣溫而和學究程朱道宗丘軻其心公而有容
其言直而不阿其器宇之軒昂挺然蒼松翠栢其文章
之偉瞻浩乎長江大河步芳蹤於往哲魁多士於甲科
給事黃門志雅勤於獻納列卿憲部位尊望於朝野擢宗
伯而修明乎典禮位冢宰而參謀乎盛政正色立朝而古

樂為之用者眾推誠愛物而陰被其澤者多故三十餘年
天下望其風裁而瘡痍賴其撫摩宜乎生榮死哀而蒙
褒贈之恩波也嗚呼疑三遺像生氣不磨百世而下孰
不景仰其德業如宋之李沆漢之蕭何也耶
正議大夫資治尹大理寺廬陵王槩贊

冢宰姚公像贊

正統戊午冬先侍郎府君自泉入覲是侍行初識公於桐
江公時還自解闈如寶劍發礪凜不可犯也既而公魁闈
取高第拜官侍近是亦叨祿仕始獲從公之後數年來公
位望日尊出入兩京自太宗伯而大正天卿之位以迄于
今茲蓋日相聚處教益多矣間獲見公小像乃述公為人
之大都寓摭敬之意而謂之贊其辭曰宏遠規模汪洋度

量學貫天人位降卿相人物權衡生民倚仗明我
皇明天年有象

正議大夫資治尹吏部左侍郎濟南尹晏拜手

此吏部尚書嚴群姚公也高爽而整肅直亮而優弘學邃
六經之旨文兼諸子之雄叶發路賢科登屢魁乎多士輩
英侍中迺超乎秋卿名愈重而謙為自若官愈進而憂
惕與并三為禮部再長銓衡懇二格心之疏顯二閔下之
誠擇小大於衆論別珥璣於至明其定力之堅足以扛九
鼎其字量之大可以納重溟此列聖人信任而弗二而
上大夫倚賴之匪輕清廟王瓚福祿足膺皇明柱石
何隆平 通議大夫吏部右侍郎吳郡葉盛

贈少師論文敏姚公像贊

盛乎中融而秋肅北諸外義斷而仁施其後擬魏科也策
大人於一致其裕丞帝載也成歲成功於四時以知夫祿
與位不足為公重而休聲令譽昭竹帛而永垂者是則公
之所遺遺示此像以麟遊鳳儀我思古人豈但於鄉邦之幸
見而所最幸者於清朝冢宰而見之此其所以來三公
之寵光贈加文敏之懿謚而龍光照燭於浙沔之瀾
也 都察院右副都御史同年胡拱辰拜手

文敏公像贊

儼乎衣冠肅乎儀形其未達也暮史朝經其既達也身踐
力行存濟華要任重阿衡笙簧治道粉綿太平海嶽以奠
宗社以寧允矣君子展也大成

戶部左侍郎年 弟蒲田翁世資贊

儼其容如山之凝溫其顏如日之升其才足以周世用而
學為之輔其德足以稱民表而量益以弘是宜魁選于賢
科獻納于 王庭寅清以典禮宜亮以持衡每百僚之具
晚荷 列聖之寵榮若夫揮洒篇章而天葩爛發以談尊
祖而逸氣橫生又其稟賦之秀與日星而爭耀共風霆以
流形者千載而下抑孰得掩其精英也耶
通議大夫禮部左侍郎博陵劉吉謹贊

溫恭德容濟楚深衣學識遠大踐履光輝任宗伯寅清典
信接武夔夷居大家宰阿衡佐治正隆傳伊以乾坤開

此為承平廟堂之百揆者也

通奉大夫浙江左布政使年未侍生建安劉福贊

此吏部尚書贈少保謚文敏姚公之遺像也有如是凝遠
之風度有如是尊嚴之氣象有如是開闊之心胸有如是
卓偉之聞望彼哉何人尚咕咕然以動其喙多見其不知
量也噫不有君子其何能固君子之所為固眾人之所不
識
翰林院學士瓊山丘濬贊

德望文章士林魁首也訐謨功業儒臣領袖也後學仰瞻
泰山北斗也舉 朝悲悼梁摧棟仆也嗟夫孰儲其精光
嶽之精孰奪其幽順受之貞見知 聖主終始哀榮九
不作 國無倚衡 資政大夫都察院左都御史嘉興項忠贊

欽定四庫全書
欽文敏公道彙目錄卷之一

五言古詩

送提學嚴御史四首

送內都憲得前字

送韓都憲永熙出大同

送蕭尚書南還

送鄭太僕考蹟還任

送趙德懋南歸

送濮教諭之歙學

送楊司訓之興化

送熊驛丞之新安

送嚴寧

贈司馬黃門父還會稽

贈周憲使致政還臨海

贈莫子長先生赴狄河

贈都舍還播

贈程長官還播

贈項司吏

古體贈孟都憲

題扇贈王都

題扇與孫玉麟

題孝子盧晉卷

題順孫盧晉卷

題竹

卷為劉居士題

慶堂為莫生賦

歲慎軒為李知縣賦

書楊編脩賓筵留詠卷

永寧留寄于太守

簡總友

秋宮周亞卿病暑以詩問之

伏末苦熱得雨喜甚有作

京華同年會分得吻字

自武昌追李都憲

夜宿公館有懷參政

宿天津埠

夢先外如平昔感而作

齋所夢兀器

挽陳都御史

挽年尚書

挽高僉事

挽馬侍郎

挽陳員外父松雲翁

挽劉通政一親

挽左繡衣一親

挽劉華英

挽林二尹夫婦

挽徐氏

偶句

卷之二

七言古詩

送孔大尹之桃源

送胡參政之任西川

送李尚書父還南陽

送陳少卿致仕還鄉居西湖

送吳伯彰歸桐廬

送危典史致仕還鄉

送鄭教諭之休寧

送王資用赴臨江通判

送曹侍御致仕南還

送夏大理歸省

贈兄耕樂先生南歸

贈王先生致政南還

贈王都憲公度

贈姪編

勉思行為吳春秀才贈

翕順堂詩為劉錄事贈

題梅鵲

題金教授先墨卷

題白玉華秋景圖

卷之三

五言律詩

小孤

下峽二首

寄聽竹先生二首

哭英朝九首

挽太常蔣尚書

五言排律

賀登極

送劉黃門之南京

題藍溪港

題潘節推隆恩堂

先妣夫人忌辰

挽安國恭憲公

挽薩侍郎同僚

卷之四

七言律詩

夜泊荻港

過廬阜二首

自武昌追李都憲

過巴陵

過桃源遇雨憶商學士

過平越方經苗賊有感

過雞公關索二嶺

過安籠箐

老鴉關

過七星關

過赤岡有懷

畢節遇風雨雪漫賦

十七日早發松林驛自賦

志州平陸宣公墓

南院晚晴

荊州寄沔陽林學正

荊州觀李都憲詩和寄

夢感

書忠義事

過君山

丁丑正月十七日迎駕

感懷初八宿張家灣

東光有感

與蕭都憲同發張家灣船不及以詩追之

望德州

過故城即事

中秋夜招周秋官小飲

憩宿大勝寺會諸同年

用前韻酬張同寅

近冬喜雪

冬至日恭遇

萬壽聖節朝罷有喜而作

味溪佳趣

送內弟王仲啓

送鄒亞卿歸省

送劉憲副

送王留守之鳳陽

送尚寶蹇公致政回鄉

送徐憲副之廣東

送進士張翥歸蘇

送劉光祿展省南歸

送劉太守致仕還南

送沈憲副之浙江

送鄭侍御巡按江西

送王選夫赴廣西戎幕

送人教諭南陽

送張叅政還山東

送吳秋官考績還任

送南監生

送劉淵明教授開封

送楊憲副之廣東

送都綱一元還姑蘇

送洪綉衣

送何黃門歸省

送南京儀曹李郎中之任

送鄭司訓之鉛山

送劉盡心南歸

送江贊禮歸南京

送人赴河陰典史

送宋宗魯江西僉憲

送金太守致仕還鄉

送陳教諭之長洲學

送嚴州方醫官

送卧雪處士南歸三首

送人官大理府

送徐太守之臨洮

贈樊叅政之河南

贈徐侍御巡按廣東

贈姚助教考績還南京

贈徐明德僉憲江西

贈人致仕歸杭

贈梁侍御便道歸省

贈吳給事歸省

寄諸生

寄林先生培之

寄納言布政

寄贈咸寧唐大尹

送俞少傅養病歸

奉寄叔父寧津公

寓東朝房寄憶納言

和錢學士韻

和楊內翰詩韻

和納言布政見寄韻

壽楊尚寶母夫人

壽黃亞卿母八表

題紅梅寄新安汪老人

先人大痛日有感

酬高太博

疾嗽百日有感而作

敏孫勸予復進藥因諭以平生事

病起

挽趙秋官二親

挽吳都御史母

挽聶大年先生

挽都憲鄭父

挽李通政

挽蕭員外父雲山先生

挽定西侯

挽張御史父

挽劉侍郎母夫人

挽龔御史父

挽孔刑侍

挽洪職方父

挽施尚書

挽耿尚書

尚書士尚書

挽張侍郎母

挽吳黃門祖父母

挽柯學士父

挽劉憲使父梅莊處士

挽人父

挽芝軒

挽人母

挽人詩

節婦

卷之五

七言絕句

恩榮十詠

蘇李泣別圖

奉教戒再吟一首以樂老母之心

題紅梅寄卧雪翁

食九弟所寄潮魚詩以謝之

百日哭女淑卿

送袁學正之廣德

送友人之官

寄南京李通政

己卯人日穀口

謝納言寄羔裘并致懷

題扇

寄內都憲防邊有蹟

會同年于宋給事宅

題雪坡二絕

新正夜與吳如夫對酌有感

勉袁生

題竹

題竹畫二首

寄憶

張飛廟

高塘驛

過忠州捐廩米一石興先賢祠二首

人有求為吳泰伯後者弗諧

送王生文冕赴浙江鄉試

六月二十一日雲布不雨

卷之六
序

送唐大尹致政還桐廬序

送呂進士任進賢序

送戶部尚書張公致政還鄉序

送南京禮部尚書鄒公之任序

贈莫同知之重慶序

贈司訓王君之桐廬序

贈林大尹之任鹽山序

贈德州袁學正克和之任序

賀翰林商編脩榮任序

慶趙上舍母六旬詩序

慶俞母壽八旬詩序

慶王仲啓壽五旬詩序

慶盧安人六旬序

慶申屠益吉甫八旬詩序

梅愛處士十詠序

四明月湖陸氏宗譜序

劉文介公文集序

脩撰王惟臣父挽詩序

郝淑人李氏挽詩序

卷之七

記

崇古堂記

潤遠堂記

雲間第一橋記

梅坡記

卧雪庵記

留耕記

耕雲記

大樹記

姚氏二親墓記

勅建誠意伯祠堂記

山水圖記

洛陽思親亭記

梅坡記

雲泉庵記

孝友堂記

損庵記

卷之八

碑

追封慶雲侯周公神道碑

傳

半隱生傳

桑畦生傳

桐西居士傳

居易道人傳

擔簦傳

訂疑

坤德傳

贊

鄉貢進士徐君用韜像贊并序

解

均才解

題跋

書陳祭酒贈楊編脩文後

題櫻寧生傳

商氏家藏公據跋

墓誌

故公行狀

故京兆公墓誌銘

故京兆公墓誌銘

故京兆公墓誌銘

故京兆公墓誌銘

故京兆公墓誌銘

司馬遷述古禮記

禮記卷之四

皇

為部知之王公衆衣

為部知之王公衆衣

為部知之王公衆衣

卷之

奏議

為陵廟事

為陵廟事

為陵廟事

為陵廟事

為尊謚事

為尊謚事

為申明禮儀事

為用立大禮事

為用立大禮事

為用立大禮事

為禮儀事

為禮儀事

為禮儀事

為禮儀事

為陳情乞恩憐憫事

為請元廟于事

為崇祀先賢事

為乞恩等事

為乞恩等事

為陳言策儒事

為陳言正學事

為乞恩言民情事

為勸忠賢事

為封等事

為封等事

為封等事

為封等事

為處置地方事

為脩省事

為夷情事

為夷情事

為夷情事

為地方事

為邊務事

為聲息等事

為捷音事

為夷人抗拒違法等事

為進應事

為缺少通事事

為災異事

為災異事

為災異事

為地震事

為陳言興利除害事

為進貢事

為禁約番僧事

為禁約番僧事

為乞恩致仕事

為陳情致仕事

為乞恩祭初事

為回話事

為乞恩憐憫事

附錄

故少保姚文敏公墓誌銘

故少保姚文敏公神道碑

故姚文敏公夫人王氏墓誌銘

姚文敏公道案日錄終

姚文敏公遺稿卷之一

南京翰林院學士張元禎校

工部主事男 璽刊

五言古詩

送提督學校嚴御史宗淵 四首并序

提督官無負於學校也久矣然而事不由古以克
成治匪所攸聞提督之設蓋欲以古為教耳故於
侍御君行作此以告之

鴻蒙日以離混沌分清濁陰陽煽巨燼萬象歸橐籥人
於物至靈五性渾不鑿柰何總蚩蚩禽獸無毫髮孰知
羣比中而有聖者作玄黃藉財成造化資旋斡大道乃
攸歸元元斯有託慨仰羲軒翁萬古宗道學

三皇杳莫企五帝繼以徂姬公位元宰禮樂陶輿圖柰
何東遷後大道復榛蕪尼丘忽降神光啓九聖途駕車
任所適不為它岐虞乾坤泄幽祕人物賴匡扶六籍肆
刪述萬世陳楷模大哉素王聖天地不能渝
鄒魯風漸邈漢唐儒靡醇訓詁日以鑿講張徒自徇元
氣為斷喪正學幾沈淪五星肇文運宋室開昌辰庶洛
紉其緒關閩繹其綸淵源有餘味並得洙泗真蛙鳴及
蟬噪一掃無遺音上以繼往聖下以啓後人
皇明御昌圖撫運幾百年東漸暨西被聲教覃八埏淳風
正穆穆大道何平平斯文不在地日月當中天庠序敦
教化科目羅英賢周孔道以闡程朱學攸傳繆契具廊
廟伊傅相後先豈云駕唐宗邈矣追義軒

送芮都憲得剪字

毋謂儒無益匪儒道罔闡古今儒者事歷歷皆可驗伊
傅任阿衡周召分兩陝諸葛起卧龍班超事筆硯裴公
下蔡城陸九復唐輦卓哉韓與范功業尤健羨於惟
聖天子神武肅乾斷四夷悉來王萬姓咸忻忭居安不忘
危念慮勤宵旰睠彼西域土密邇犬羊圈孰為吾長城
孰為吾蔽扞豈不富甲兵豈不雄武弁要使威德孚寶
馬來大宛匪資儒者傳所圖良靡遠簡爾英偉才惠茲
心膂眷洪猷自方伯顯擢宜都憲秉鉞出東華分闡
入西甸馬識舊遊路人訝新來篆旗鼓肅轅門號令端
持點軍威震萬里虜勢不足剪乃知穹壤間儒道終非
忝

送韓都憲永熙出大同

白雪舞郊關黃河水正合胡馬鳴蕭騷腥風蕩沙磧昨
聞代朔間橫池無限隔守帥擁精兵橐弓閑重壁千里
飛烟塵四野無草色人逐牛羊羣並驅豺豕窟事聞震
天威命將分投出急擊雷電轟狂虜奔禡魄顧惟雲中區
穹廬尤咫尺軍雄壓邊疆城壯憑京國匪資文武材何
以主籌畫韓公負奇骨才器疇能匹都臺飽風霜中外
多敷歷胸藏百萬甲變化不可測簡命自九重爰寄北
門責左手捧黃麻右手秉白錢匹馬出居庸威風何禦
烈古來馭夷狄任謀不任力內固斯外攘將和能制敵
同舟思共濟推車主轉轍坐致天驕徒納款轅門側
戎同年客萬里從茲涉梧門

夫子天顏應喜悅形貌圖丹青姓名書竹帛所以馬伏波
死欲裸馬革所以班定遠投筆開西域卓哉大丈夫千
載氣猶熱持以贈公行勉旃企前哲

送蕭尚書南還

願種千株柳柳絲滿都門公欲南歸時縮馬不可行願
鑿百丈河河流日湯湯公欲南歸時駐車不可航柳絲
空自長河流空自深南歸竟莫畱為別一傷心傷心如
之何匪云昵私親下以為萬氓上以為一人

送鄭太僕考績還任

高皇定大業放馬滁山陽滁陽地夷曠水甘首宿香置官
列九卿馭牧非尋常法嚴政復舉種盛孽亦良五雲屯

郊原萬騎奔龍驤于今百年間漸乃成弛張俵烙多駑
駘蓄字之驃黃豈云科條乖誠亦典守荒卓哉鄭夫子
磊落富文章十載少太僕騏驥昭星房抱績奏承明荷
恩歸建康敬之懋厥職佇見超巖廊

送趙德懋南歸

挺挺喬林秀燁燁丹穴雛器宇刺磊落文采饒江湖世
家百年遠積慶何紆紆懷哉梅坡翁幸有茲名駒竭來
奉女兄千里勞馳驅去年翁計聞女兄長號呼江河雖
阻脩履險如坦途抵知痛其父那復計厥軀到家撫靈
柩抱母聲嗚嗚姐孝弟克恭往來恒相扶試觀鵲鷦原
急難在須臾弟今別歸去喪葬良用圖送終最大事勿
使纖毫逾吾觀趙德懋啓我長嘆吁失怙不可復持躬

義教懿訓禮讓遵聖謨曾聞古人言樹德莫

如茲諄諄苦勿厭收之在桑榆

送濮教諭之歙學

梧桐生高岡鳳皇鳴朝陽嘉時飛文明熙世協禎祥九
州造俊士千里觀國光楚楚故家子奕奕喬木芳結
髮遊黌宮黽勉圖自強竭來謁楓宸再試金鑿傍
振藻煥霞彩吐葩發天香拜官新安郡鳴鐸朱子鄉絳
帳開春風皋比擁鱣堂月杏橫經席雨芹潤書細道義
倡羣彥濟濟遵周行作成棟與楠徐叔棟與梁慎哉固
明德尊嚴師道昌

送楊司訓之興化

先師楊夫子道德富文章金榜芳名顯瓊林醉墨香冲

然澹勢利懇乞居宗賢東書桐廬來鐸聲何奮揚朝經
暮講史孜孜食不違尊嚴若神明言動由經常三歲教
有成青衿滿文場九載化乃泱遺澤尤芬芳小者為棟
桷大者作棟梁仰憶講下時垂髮昧知方拔羣親指授
鞭辟歸周行于今鬢髮白夢寐猶驚惶竊祿懷深恩忽
覩鳳毛翔輝輝文彩昭雍雍禮樂將抱藝試
楓宸拜官訓蒲陽箕裘尚克紹矩範諒毋忘數學古云半
忠信以明章勿謂毛羶薄萬里從茲張

送熊驛丞之新安

我家兩雛兒五歲能誦詩弄筆翻墨雅塗案走烏螭惠
然熊子來禮致賓齋西晨夕幸相託動止斯有儀于今
二三年讀書殺耳吾伊方將就規矩出入敦秉彛李何別

之官向下邳人言此地鴻要傳歎之持
戈精神諒有為錯盤別器利穴劇見才奇良馬斬
喘息當踞岐往來盛冠蓋豈無孫陽知盍亦竭爾力毋
論瘠與肥嗤彼桃李花委謝東風枝矯哉松栢姿霜雪
非所欺丈夫貴立志去去姑安時

送嚴寧

碧梧生高岡燁燁光陸離翠竹產淇園猗猗色紛披偉
有君平孫秀叢鐘天高昂然鸞鵠峙宛若珊瑚枝讀書
窮造詣過庭聞言宿館銀臺公冰玉相交輝予聞裸
羸生聳喚形叩賦矧茲骨肉親恩愛那可虧孝敬務勤
至勿為勞苦辭行誥日以敦問學靡有遺會當際風雲
奮揚須及時古人貴贈言言貴有所規

贈司馬黃門父還會稽

宋室有大儒溫國司馬氏道學溯義黃勳業槩天地爰
自南渡初從官家越會于今五百年瓜瓞十一世積厚
發必揚翁也承厥系書香紹芳燭懿轍印前軌教子致
顯融金籍通姓字 聖朝勵孝忠恩推子之貴竭耒耜
耿光家聲徹 當宁慨念凍水清淵首遠莫致賢郎奉
皇華祇命展常事歸期告 天顏喜政茲歡會
隆脩焉懷故里清晨 遶潞渚秋風速歸帆
望望浙東去白髮烏紗新配新錦袍麗衣冠疑受廣文
履肖園綺潤澤蔭松菊餘光襲桑梓溲娑白社朋侪
綠野野鏡湖時濯纓蘭亭恣脩契興掉戴家船閒登
公候悠悠娛歲華擊壤歌既醉與翁同鄉邦欲贈

仙遲菊把東...新酷出燕市...行為...祝翁多壽

周憲...政選臨海

...周大...情...化洽...風聲...天...官
...史知...冠...民安...俗...政...蹟...超...性...格...名...堪...道...高...踴...揚...來
...效...臣...恭...迷...職...朝... 贊...數...考...方...事...無...虞...奉...書...功...可...
三十年報 國心固足翻然動歸興勇退非局促友情
止湖遊脫屣千鍾祿赤城古佳致莫事...
尋香山故應續文夫重出處進退謾...
...史明止速道義以自由終身免...
...黃...舉千里無拘束送若不可...
...願如...
贈...子長先生赴...河

贈...子長先生赴...河

為貧不擇官，得祿不擇地。所以古之人，抱關安所，遇先
生有道才，素懷濟時具。小試不可知，大受非所冀。願
卿一振杏壇弘化雨，紛紛青衿徒賴以。昔者諸侯
聘，曾考績宜。三歲奈何髮垂領，使青猶就試。柳
花何所歸，不擇行去。荻河大江東，上下亦不
異。實獲厥利，禁辦法有程。監守備良易，所存
在薄祿。匪忘君與位，荻風冷浪清。柳月江浦
霽，興乘謝尚舟。浩歌今白句，重疊縮頸縮。亦有
錦繡輝，斗酒漬十千。良朋任濟湍，望區廬順流
連。牛渚此樂何有，三三公不易。爾俯仰無愧，作
如斯而已矣。

贈都舍選播

帝德育九州，賔貢入萬里。別茲西南陬，有牧賢且懿。馳使

獻名馬，喜色動

當宁錫予荷，便蘇嘉勞亦云至。承

恩出都門，秋風速歸騎。還語牧勿讓，忠誠自先世。

贈程長官還播

進馬 闕庭下喜觀

天子光

寵賢荷滂沛，錫燕飫

馨香舞蹈出丹陛，雨露沾衣裳。去去萬餘里，秋風歸夜

郎中心感

皇恩稽首北斗傍

送項司庾

古人尚吏隱，為貧不為行。所以魯國叟，職委會計平。有
美項君子，少壯志頗英。致身事王國，忠信以為城。司
庾二十年，出納如持衡。所圖在所養，匪求榮與名。竭來

奉

嘉命鞠躬謁

承明解后覲，風采姻契夙。締盟相逢愧青

眼執別苦為情炎風扇長途疋馬促歸程援琴寫鄉曲
聊以慰平生

古體贈孟都憲并序

都憲孟誠工於詩妙於画精於大字多能乎哉閑
中每自見予恐其大節為細藝所掩也故詩以規
之

二南美周召一德稱阿衡卓卓趙孟頫書画皆成名顯
顯閣立本俯首圖蓬瀛蘭亭得神助風流掩右軍古來
大臣體所貴惟中行藝能工與拙那與時筆爭

題扇贈王都憲

清風播長淮仁雨露青徐提手活萬人元氣吾其廬團
團有機者握之不足把開闔君掌中乾坤自瀟灑

題扇與孫玉麟

吾孫玉麟以目疾廢予深閔之然終期脩德以昌
厥後孫勉乎哉

崑山一片玉純美良可嘉奈何啓黜令令人徒嘆嗟所
幸託巨璞時見發光華謹哉蓄爾德允若興吾家

題孝子廬墓卷

憶昔母在時左右不敢違甘旨必親調動息恒與俱今
也母忽忘奉柩向窀穸母獨在黃泉我歸安所適結廬
傍母墳定省如母存喚母母不應叩天天不聞此時魂
慘悽欲殞隨母之猶恐之蒸嘗後事將何如忍死經歲
月滴滴淚成血烏鵲巡悲鳴猛獸逃遠涉古來篤孝誠
可以通神明試看臺山下千載良心徵

題順孫廬墓卷

祖母父所出我身父所遺父母棄我早我身將誰依幸
賴祖母慈撫我如撫兒荷恩日以長感德良自知視彼
烏鳥情元知反哺私光景疾如流瞬息將登期左右奉
旨甘朝夕承歡娛風霜倏忽惡零落萱花枝躡躑叫皇
天哽咽呼阿嬭不復接語音猶為捧頤順蓬髮面生漆
跣足身忘疲苦塊忍安寢蔬水寧入肌奉棺將就窆臨
穴欲相隨載圖築若堂結廬覆茅茨羣木自我培二載
獨棲遲孝誠格穹表禎祥昭慕陸蜂蜩環不螫兔蛇馴
無疑書鳴如助哀夜宿若相資鄉耆告厥異縣官達所
司奏表上間闔詔書旌門楣竭來謝

百世聲光垂為賦順孫什吁嗟起遐思

題竹

翡翠引孤標托根青雲岑夏日酷以頰踈枝散清陰冬
霜凜以烈挺節懷虛心時有鳳皇來解作蛟龍吟貴
雙碧玉價重千黃金持以贈子歸對之一撫琴

目耕卷為劉居士題

仲舒不窺園挾策身自榮賈逵專經業終歲倉自盈何
必如老農畝畝徒經營達哉劉居士世以儒流鳴書田
積萬頃目耒獨從橫章章勸易禱字字尤研精晝長惜
寸晷夜寒對短檠培養日云熟谷粟還自生誰謂吾拙
耕佇看秋多成

貝慶堂為莫生賦

椿樹歲正華萱花春更好並謁一堂中相輝渾不老髮
髮黝未星顏色酖且皎鬱：丹桂枝郁：文鸞藻欲報
百年恩常懷一寸草奉養惜光陰省定嚴昏早池鱗擊
寒冰庭綵飄晴昊雪藕碧盤陳流霞玉尊倒滿院沸絃
歌重階稱壽考娛樂舉世稀嘉慶誠天造孝道豈惟茲
功名在懷抱行當瑞文明共上蓬萊島

敬慎軒為李知縣賦

君子尸民上動靜民則之苟不自敬慎萬事從茲隳
戾賢達才念念恒在斯持已必主一作事每再思翼
罔敢怠昭：靡自欺所以宰劇邑事舉民不疑由以達
大道焉往而不宜吁嗟狂縱徒焚焚良可嗤

書楊編脩賓筵留詠卷

時紳一陽復君子長道心融融會萬境綽綽超群陰撫
景慕高致肩輿往和尋華堂敞虛靜惟有竹素林銀鳧
散清影玉軫發佳音紅繪飄繁屑黃封啓朋壘話言滌
塵俗清風灑衣襟理趣笑中遠交情坐來深白日墮西
嶺素月高東岑再起復自傾洒筆還更斟微醺動遐興
抵掌一長吟載歌天寶頌願溥蒼生霖嗤彼事噶沓
頽復望規箴古誼邈如綫幸獲徵於今良會信不偶一
飯逾千金

永寧畱寄干太守

吾愛干廷玉忠孝何純篤出守陽臉城攜母躬推轂予
昨過臉城民庶多富足只飲洱河水不食蒼山肉蒼山
高莫攀洱水清可掬願言慎始終毋愧川與谷

簡窓友

鷄逐鳳凰隊毛羽自成文蓬生麻苧中挺直肖其群所以益者友貴首諒多聞君才何郁郁志氣還氤氳共守歲笑探言采鬢泮誰知金蘭契岐然南北分翰音登于六五彩徒紛紛往植置荒壙蒿陰反凌雲出處諒不偶遲速何足云卓哉秦孟明濟河舟自焚老當益壯力揚鬣鼓清氛緬矣起遐思作詩寄殷勤

秋官周亞卿病暑以詩問之

赤口烈於火公事冗於毛兩併不容釋况復志慮勞坐此乃成急閉關輟早朝往觀豈不念無柰暑路遙欲學備襪子恐為人所嘲作詩寄殷勤姑以慰寂寥大火且流涼歎動庭皋新雨夜來過一洗炎熾銷為君條

痾脫然神爽超明當聽朝鷄尚資藥食調上以副
降眷下以慰朋寮

伏未苦熱得雨喜甚有作

赤帝司乾綱火龍馭日轂比當三伏終溽暑尚炎酷地近積水汗居此矮簷屋斑蚊聒耳鳴蒼蠅滿面撲飲食不可口睡卧難瞑目蒸汗傷我肌濕氣病我足安得插雙翅飛向雪山麓正此懊惱間令人苦局促忽聞一聲雷簷溜傾百斛涼風發庭皋清氣殊可掬仰看斗柄旋高青起高木豁然肌體輕如脫千鈞桔兒女盡歡忻衣冠始裝束老農奉盤觴對月引醺醪一笑開襟懷萬愁頓驅逐暑氣本天道愛憎乃人欲冰霜墮指時願復念溫燠人心苦難厭順時自金玉

京華同年會分韻得吻字

豪傑抱才志，偃蹇棲林丘。一旦乘風雲，觀光
帝王州。仰瞻威鳳儀，俯聽鳴鹿呦。披雲叫閭闔，吐氣凌斗
牛。偉百五十人，盡是英雄俦。姓名聯甲第，衣冠涉瀛洲。
趨朝陪玉笋，鞠躬事宸旒。瞬息十五年，出處半沈浮。
頃茲重可慨，良會須當求。歡笑匪徒謔，杯酒安足酬。所
志在功名，歲月不我留。相期各努力，共濟巨川舟。庶幾
保終吉，千載聲光流。

自武昌追李都憲

速舟追故人，水逆舟難曳。長叫督舟子，舟子苦勞敝。借
問行路人，旌麾駐何處。謂見車馬喧，早入岳城裏。向曉
鴨欄寅，夜追莫企仰。看月在天津，淡淡銀河際。恨不騎

雙翼乘風駕，吾去會晤信所難。咫尺成千里。

夜宿公館有懷叅政不能會

曉從阿幢來，薄暮宿炎方。公館夜虛敞，明月照我床。顏
色疑故人，驚起披衣裳。聽來靜無語，撫枕徒彷徨。忽聞
松籟聲，蹙然足音將。愁思不能寐，輾轉嫌更長。會晤良
不偶，咫尺成參商。明朝復前行，望望登歸航。

宿天津埠

曉辭大明宮，晚遵路河渚。春光暗未熙，景色淡無媚。
冰漸流，復遲柳條潤。如洗稍人索，價高客子苦。行滯但
欲趨程速，奚論買舟貴。撥柁達河西，併日不計里。宵征
靡暫休，涉險若為濟。泊棹扣關吏，關吏陽弗理。海氣薄
天昏，風浪蹴山起。舟楫幾顛危，魚龍肆猖熾。妻子盡失

色僕夫亦惶懼幸抵天津城譙樓鼓已二借問亭下人
默默不一語忽聞舫客聲此處暫堪住翹首望天河終
夜醒不寐看看鷄亂鳴漸覺東方曙

夢先外母如平生因感而作

戊寅六月七日早假寐左廂待朝夢先外母如平
生一見歡欣滿面命後廳坐話予問李八丈可傷
母曰病無救耳又問屠五丈亦故不荅須臾欲起
去予復留之話良久忽吏報朝遂醒不覺泫然因

感而作

城樓下四鼓騎馬趨早朝解衣憇公所坐待隣鷄號

憑几少瞑目昏然魂夢遙十年別我母記憶心徒勞俄
爾見顏色不覺珠淚飄徐徐問起居汲汲慰寂寥徘徊

庭除間眷戀意難拋問言八丈歿無柰盲苦撓具荅病
寒熱有藥不能療貌容如平生曾不減分毫憶昔弱冠
年幸托東牀招文蕭寓秦臺張母識章泉衣服手自縫
飲食親為調讀書聲吾伊為我心焦熬既聞登甲第喜
樂何陶陶仕途二十年黃金橫在腰南北遊兩京祿食
頗亦饒幾回遣迎養一不從相邀母心豈病涉我意何
切切那知骨肉親竟作生死曹病不奉湯藥墓不真菁
茅感恩一未報方寸如焚膏女也遠歸寧天幸誠難遭
大事良已襄庶免傍人嘲母子兩如願存歿怨恨消茲
晨復何事千載如一朝覺來淚未乾雨鳴風蕭蕭

齋所夢元器

高堂夜虛敞燕寢香輕盈心齋慮不俗夢境神自清故

人何處來歡笑如平生衣冠甚閒暇談吐皆真情真情
兩相愛繾綣歲寒盟風雨襲松竹颯然枕畔驚據牀徒
徬徨惟聞戶外聲

挽陳都御史

台星夜忽暗太山晨已頽痛號闔城奔走姑蘇臺公
方在侍御庭論披奸回公方在藩臬德澤孚草萊公方
在邊鎮威望懾虜魁公方在左右道德資沃培天平未
云邁宦况已復灰冥鴻拂九霄三江恣徘徊志喜在幽
逸其如羣類猜佇想復司馬誰應失鹽樵千里聞計音
九重興惻哀祭塋固不薄恩禮良厚哉獨嗟西夏民猶
望公還來

挽年尚書

方春木再稼知為達仕變倏聞年司徒竟隨遼鶴遠司
徒濟世材早用儒術顯中外名揄揚藩鎮功健羨地官
掌邦教四民賴攸奠心以公忠持事以剛直斷識鑑有
定方謀猷超恒見守正以文貞無私邁清獻美玉罔纖
疵真金任百煉偉茲老成人允矣邦家彥素簡

先帝知音被

今皇春泰山忽云頽士林動嗟泣營塋

思存隆

諭祭想應緬况乃平生交懷人忘繾綣白馬出

東門素車向淮甸紛紛道路間共傷不可轉完名而全
歸穹壤復奚怨

挽高僉事

休休君子心挺挺儒林秀蜚英時俊先敷歷歲華久夕
陽照行臺霜節忽已摧淒風悲古柏滄海飛塵埃鬱鬱



P15 - P16

墓前松屹屹華表石誰勒有道銘過客車應式

挽馬侍郎母

馬家有老母我家有老母當年同官時相親復相顧馬
母喜得孫我母笑欲翻携酒往相賀瑞氣盈高門二母
並一堂寶婺增輝光酒暈慈顏醅饌入天厨香馬君參
大藩奉母出山東顧我尚青瑣一夕慈闈空馬君尹京
兆奉母居金陵時我佐秋臺瞻拜時亦曾見母如我母
容顏頗相似我母何所之拜母淚如雨前年過南京為
我下高堂柰何相別後遽隔生死鄉翹首望白雲往回
在和陽宰木已拱把欲真河無梁吁嗟二母兮神遊去
何方生曾共歡娛死必同翱翔西遊瑤池邊東遊蓬山
上母與麻姑裴回恣清賞

漕運阻若行天道警戒深良為王其成

聖皇固拳拳宵旰中情輸誠禱穹蒼遣使祈神明綸音
布中外汗渙濡蒼生

姚文敏公遺稿卷之二

七言古詩長短句附

送孔大尹之柅源

金華孔生字彥義五十九代宣尼裔聰明俊雅自可人
燈火三更足經史遨遊太學荷聖恩確豪傑事討
論南宮試事老且練一官出宰柅花源吾聞柅源要且
劇今春荒歉人相食九重宵旰軫念深遣使賑饑如
救溺倉空廩竭無遺貲齋僧補吏紛撐支兒賈婦何

慘切漂尸露樹堪嗟咨縣官郡守袖手觀雖有人心無
所措盍不早圖借荒策庶使凶年免難苦常平義倉古
有規胡今官府都不知子去正值瘡痍後忍見瘡痍苦
未離晝夜勤勤講民瘼預謀來歲生入法耘麥搆穀須
及時勸牛借種毋留諾三年餘積一年糧雖有凶荒無
死傷不信當求悔翁說隨宜更復有弛張

送胡參政之任西

聖皇軫念西南夷干戈弗戢民支離若欲仁恩起枯槁須
求賢哲居藩維司空郎官瑚璉器政事文章妙當世羣
公剡薦輿論歸命下榮膺方岳寄西川遠在天之隅昔
年富庶稱雄都詩書不改文翁化琴鶴猶思清獻卑薇
巨負荷良亦重景仰前修素心共勉力能成保障功甘

棠行見流歌頌

送李尚書父還南陽

南陽自古多英雄布衣諸葛稱臥龍寥寥于今及千載
山川秀淑何所鍾先生家世近降中論時與地適其逢
挺生魁傑非凡品行誼有似龐德翁韜光不試道豈窮
悠然林下歌清風黃金弗置城頭產買書教子親磨礱
卓哉令器尚書公奮身科第躋顯融天生異才信不偶
文章黼黻華帝躬左右弼亮代天工四海蒼生賴旣蒙
端然紳委居館閣筮簣治道熙時雍

天子推恩報厥功龍章煥錫三代封先生受命不可倨
匍匐千里趨宸輒鞠躬祇謁大明宮我皇眷顧回聖
瞳漢庭暫識商山綺周室應來渭水熊八旬初度暑正

降文昌鬱鬱佳氣葱宏開壽域尚書第蟠桃正屬千年
紅華筵肆啓殺核豐昔封酒沃紫駘峰賓朋旁午共歡
賀高歌急管聲颯颯雙眸炯炯兩耳聰醜顏鶴髮背如
鍾君臣慶會世無比父子榮壽誰能同晨昏視膳樂正
冲翻思桑梓忘敬恭詰朝 陸辭出雙闕湛然雨露沾
龐共尚書欲留不可從安車親馭出城東都人惜惜共
稱嘆養兒須教孝與忠銅盤浙瀝玉露濃潞河兩岸秋
芙蓉片帆旬日抵鄉國隣翁社叟迎歸節滿門喜色光
簾攏錦袍金帶輝晴虹鮮饒脆豐亨天祿蘭馨桂馥欣
重重縉紳祖餞詩幃供臨行執別何匆匆一栝更為先
生壽堅貞願比南山松

送陳少卿致仕還鄉居西湖

聖人在上賢人從網羅四海若穴空西湖風景依然在通
仙去後誰留蹤落花流水春融融白雲常度飛來峰梅
花無人共索笑唯有野鶴盤枯松先生學道非凡庸通
今博古推儒宗乘時奮起聊一試典茲三禮昭時雍年
幾七十顏如童乞身抗疏蓬萊宮我

皇至仁重優老賜歸 天語何從容孤山買宅梅花叢寸
金尺地三百弓屋上青山屋下泉花竹秀茂年年同先
生身退道非窮圖書滿載歸浙東丁寧花鳥五言律約
東溪山九節筇附郭二頃歌年豐甕頭酒發呼隣翁紅
塵不到松關下北窓一枕羲皇風平生一點報國忠盡
付賢郎方寸中莫言未展經綸略會似當年王晉公

送吳伯彰歸桐廬

芝溪浩渺源流香綺峰蜿蜒來脈長山水精會融結
鍾成人物殊尋常故家舊族稱吳氏合食從來數百指
綿綿相繼富且殷一屋同居已八世詩書禮樂何彬彬
仁義孝友尤肫肫鄉童里叟咸衣被好似大廈庇千人
固知積善非一口子姓昆弟皆珠璧溫淳雅飭良可嘉
荀氏門庭真彷彿有子有子更白眉器宇迥非羣輩匹
竭來應詔上金臺千斛精糧資上國伯父承恩授冠
帶子在幘幪同錫賚朝罷龍顏出五雲曉月驂驪並
言邁于時正值十月春都亭餞別羅賓親朔風驚寒馬
蹄促雪花飛絮猶繽紛紅塵紫陌留行色急管嬌絃情
未釋玉壺傾倒日西垂翹首潞河應咫尺船頭有客歌
二疊更酌燕醪與君別到家傳語松月翁香社曾中

誰結

送危典史致仕還鄉

吾邑典史危君彥恭九年秩滿民列狀雷之甚切
邑令前監察御史南陽李侯愛其為人且重民之
請也為達之上史部遲其來久之代者往而君乃
至遂弗果留君以親老乞致仕而歸予喜君之不
泥於仕而能急於親也作詩送之云

桐廬之山鬱以紆桐廬之水清且通襟江帶溪瀉澄練
錦峰綉嶺列畫圖風淳俗美詞訟無家詩戶書頗尚儒
最喜泉甘土更沃况復魚鮮米勝珠自昔號為易治區
徵輸不用鞭朴驅柰何後先事頓異淳者變澆美者汚
負才志危君在幕畫道誼符大夫有善君與俱大夫有過君與扶

數年之間化方治頌聲洋洋載道途危君考績來
帝都大夫快若失友于抗章乞留辭甚懇桐民卧轍爭攀
呼君曰有親老可虞白雲望斷天之隅人生富貴何足
計三公不換庭前娛乞身再拜辭天衢拂袖便欲乘雙
鳧上林桃李照顏色都門楊柳牽驪駒到家正值五月
初葵榴滿眼開庭除版輿時度潘家苑彩服朝嬉楚老
雛吁嗟危君行獨殊事君事親兩未孤作詩贈爾重
緒庸以勵世風吾徒

送鄭教諭之休寧

十年不相見相見頭俱白方此兩踟躕况復離情迫苦
菊滿東籬粲粲壯行色燕姬造酒新出簪沽米不惜
金百終宵燈下話未休城頭笳鼓聲聲都亭士

復留芙蓉江上木蘭舟江南正值梅花發先折一枝
我愁

送王資用赴臨江通判

倚歟王生聞子于十年之前識子于十年之後京師一
見如故交延論真能啓子牖文章問學富而英器字才
華朴且茂谷秋二百四十年筆削精微無滲漏西垣闕
館聚生徒歲月陶甄咸入教竭來抱藝謁天曹群然俊
彥翹居首選榜初開魏闕傍榮銓別駕大江右郡臨斗
分挹章山閣罩烟嵐拂冥晝富壽堂前禮教崇吸川亭
上清風蕉之官正值金鷗回揚舲潞水如車驟共看昨
夜玉筍峰一片祥光繞牛斗佐時會使田野安贊政須
臻民物阜嗟予仕途三十年兩京陪接人才藪目中所

閱豈不多行誼如生殆希有都門相送分袂難維駒且
盡尊中酒猗歟王生政成三載早歸朝鳳池待子重携
手

送曹侍御致仕南還

聖天子光復寶祚思用老成人共圖致理命吏部凡御史
家食者悉起以來於是山陰曹用明先生以疾在告二
十餘年聞召而起比至將復用之先生年且七十有四
列狀力辭遂獲休致之命於是復買舟南還朝之摺紳
士莫不以先生之歸為榮相與祖送東門外予嘗聞家
宰王公亟稱先生君子人也惜其老而不能用則先生
之為人可知矣固欲一言為先生贈道其門生戴仲衡
氏過予道其意因不勝喜乃援筆為之歌曰

峨兮豸冠焯焯兮縹裳奉

丹詔兮來

帝旁叩

宸兮覲耿光抗疏兮乞身天聽兮宵茫七十致仕兮古
禮况臣衰兮難再強天子曰嘻達哉是郎不汝拂兮

歸故鄉再歌曰西旋兮斗杓涼生兮暑消拂袖兮南邁

導洛渚兮書橈紛摺紳兮祖送沸車馬兮江皋玉瓶倒

兮秋月高蕭鼓發兮舟搖搖賓從四散兮回首先生

笑兮陶陶二歌曰去去兮浙西望望兮會稽山之陰兮

吾之廬野可樵兮水可以漁檀冠兮藤杖芒屨兮布衣

友麋鹿兮木石俱剡溪兮雪棹蘭亭兮禊除醉白社兮

忘爾汝脫塵鞅兮何是非率子弟兮忠孝表鄉閭兮著

龜合哺兮鼓腹擊壤兮奚為嗟先生兮浩浩樂太平兮

期願

送夏大理歸省

大理寺丞夏公時正上疏曰臣有垂白母在堂年且九十思臣一見願少寬假歸省以慰母子之情詔入 詔可賜鈔三千緡蓋異數也退而語諸同朝六月二十日母初度之辰又奇逢也夔忝年未預為之喜既為律詩一首為太夫人壽復述長句為公行李之贈辭雖鄙俚而情可少乎

白頭親在高堂游子身在 帝鄉母子去天各一方顧瞻白雲心徬徨豈無健馬馳康莊宦轍其柰羈未遑一日何啻九迴腸疏情列懇陳我 皇臣有老母九十霜十年莫省溫與涼思臣不見情欲傷倚門日望吳山陽已得臨行縫衣裳萬鍾九鼎奚足償况今六月初度將

此日非尋常縱有旨酒和羔羊何如菽水親奉

叩頭嗚咽涕浪浪此心潛已達穹蒼

帝心感惻純孝彰賜歸恩禮雨露滂三千寶鏡出帑藏

資孝養榮行裝宸辭暫下鴈鷺行扁舟指日回錢塘

庭尚砌萱草黃清池十里荷花香綵衣載拜稱壽觴

珣玉佩鳴琳琅龍章鳳詔相輝煌金龜白鶴來滄滄

檀雲湧召禎祥笙歌鼎沸聲洋洋蘭孫桂子環繞牀

牲五鼎羅膏鄉慈闈喜樂殊未央朱顏酒暈如紅粧

聰目明身愈康壽山福海期無疆君臣千載慶明良

子感恩天地長舉頭望見北斗光翻身欲攬歸朝韞

朝辭親出門去古來忠孝今成雙

贈兄耕樂先生南歸

耕樂先生性夷逸顏如渥丹瞳如漆肯中不信滄海寬
眼底自覺塵寰窄千鍾美祿似毫芒萬兩黃金如一粒
桐江頗厭囂俗喧僻向小山結幽室竹籬茅舍偏獨
長江短篷時自適生涯不滿百畝田刀耕水耨艱為
春晚喧喧布谷鳴春雲靄靄簷溜滴呼童載犁躬自
手牽黃犢頭戴笠一耕不自已再耕還自力三耕且
苗看看秀而碩夏耘勤秋復來禾黍如雲堪刈
蘿肩囊紛歛歸倉盈困滿居無隙教妻釀酒賽白
羊宰豚享親戚擊鼓逢樂未央忽看玉兔東山白
官素不通姓名里胥誰敢呼徭役弄孫娛子經歲
甘飴肯供朝夕吁嗟先生樂何極所樂惟耕人不
胡忽念同胞人買舟十里來京國爾弟揆匪經綸

承乏天官愧修職幾年不且心相逢且悲且喜情如織
問兄今年六旬五何事勤劬輕遠出矧逢四月初度辰
官居肆筵開壽域一卮魯酒祝長生子姓夫妻跪前席
弟於兄情那可言恨不割肉為兄炙相看相處未幾旬
何忍匆匆問歸軾兄兮兄兮不可留執手潸然淚交臆
兄幾七十弟五旬此別相會知何日願兄珍重莫輕遊
願兄善養保和德行當謝事賦歸來與兄同作耕樂客
贈王先生致政南還

武寧教諭王先生伯麟子髫鬣時遊邑庠獲從先
生後開蒙獎迪巖澤良多既而後先出仕萍跡浮
沈離合無常正統己巳先生自涿訓陞教武寧不
相見者十餘年而情好未嘗不往來於懷今年夏

幸復相會于京先生且老而予亦髮斑白矣方爾
綢繆而先生得休致之命急促裝南還能無動
予情哉於是沽燕市之酒相與痛酌取醉以散離
別之懷復述長歌一首為行李道鄉里暇時對親
一歌之亦足以見朋友相愛之私云

蝨斯動股蜩始鳴榴花葵花燒空明澍雨初過淨塵陌
都門烟柳牽行情燕姬釀酒朝正熟糟牀滴瀝香浮玉
一斗十千任價高往來多少停車轂呼童沽來酌故人
故人不見經十春相逢此夕歡何極感今慨昔傾情
一酌一酌復一酌西窓細雨燈花落酒盡情長話不休
看城上欲罷析宿醒未醒東方紅聞君歸計尤匆匆
相看那忍遽相失合歡翻作離愁濃離愁濃濃如漆記

得當年同學時光陰瞬息頭俱白頭白不復異人離尚
可完君來君去不再來塵羈絆我何時還乞身便欲向
明主明主恩深那可去同鄉同學未同歸踟躕不覺淚如
雨君歸君歸何快哉有孫有子皆瓊瑰高堂甘旨樂餘
景青山綠水相裴回吁嗟先生篤高誼胸襟洒落無塵
滓化雨已能成梁棟餘波今喜滿桑梓

贈王都憲公度

吾觀主中丞面上三層鐵胸中一片仁疾奸惡惡如蛇
蠍扶良植善如陽春前年以馬飲虜津九門笳鼓嚴三
晨獨當一而與蝶血親莫不不顧身東南漕運多因
循悟

皇重念疲吾民恭承總督江淮

命晝夜奔走勞精神王

中丞書不著繡衣夜不卧錦茵所圖在國計所濟惟民
貧剛明果斷固遠巡運籌畫策如轉輪漕徒百萬盡歡
悅舳舻千里加次鱗今年歸來伏

嗔
蒙宸欲與衆伍分艱辛有司不解均勞意紛紛持論生怒

帝嘉爾庸超群臣久已悉爾之忠貞富弼勇知不足數劉

晏經略真堪倫更看文采何彬彬盤咳萬斛皆珠玑詞

章韓柳剩消洒詩句李杜多清新王中丞赤心在報

主素念還思親馳驅王事不得息白雲幾度空露巾乞

恩詔許修明裡馬頭衝雪歸西秦焚黃壠上耀白日山川

草木輝蒼旻王中丞明時之鸞鳳盛世之麒麟文經武

緯揚芳勛大忠孝有如此青史看來能幾人

瑞

瑞初名果予以其於兄弟行不相類改名曰瑞瑞

者玉色文貌夫玉色温潤而有文者以堅剛為之

質也故字之曰質夫欲其文質相稱也瑞之元曰

璪璪者栗也玉之美華有栗栗之意焉其必以敬

將之乎故字之曰敬夫欲其戒慎以自持也噫二

子勉乎哉

吁嗟吾家世居嚴陵之左桐江之濱上繼榮祿之祖武

下續五世之宗盟積仁累德三百禩篤生顯考考懿達

雄邁承其盈六息五是丈夫身天胡弗昇臻遐齡藐子

匍匐未能步尚賴母氏教育成其名叨官食祿荷

聖明兩錫花語增光榮追封二代兮皇皇遺澤信有徵吁

嗟吾家兄弟群玉立子姓駢蘭馨第宅甲邑蔽槐影田疇接畛連桑陰官府不聽催科聲門閭惟有賓客迎沐浴前人之膏澤兮盤桓盛世之太平盍亦圖惟保厥成庶幾大厦無顛傾吁嗟吾家兄長已矣不可作三兄四弟並臻六表胥康寧我亦知命年白髮何嗚咽傷哉爾父兮瑩然玉樹先沉淪寡妻幼子何煢煢况爾遺腹尤零丁母兮鞠抱獨辛苦皇天監佑幸見二孤頭角俱崢嶸吁嗟吾姪莫負天莫負人羔羊跪乳慈烏返哺兮顧茲異類亦有情人生何可忘其親昨而念我骨肉恩跋涉千里趨

神京留侍左右冀屢更換之教之幾回使我涕霑巾吁嗟台姪母違吾言兮母怪吾諄諄勤儉足生涯孝弟是

惟一或失之獸與禽黃金萬兩如浮萍吁嗟吾姪有書須當讀有田須當耕毋憂爾迤兮母慮爾貧行將乞身向聖主歸來硯樂天倫七里灘下鷓鴣村九里洲上鳳凰岑一壺酒一張琴一榻清風一曲吟籍也醉兮阿咸憑傳語桐江諸父老粉榆社裏留我半席莫使他人侵

勉思行贈吳春秀才

勉思行為吳春秀才南歸赴舉之贈終篇云夢魂長繞南山隱蓋予先塋近在春家之右故及之爾尚志之哉

有鶯願遷喬木枝有女願嫁聰明兒聰明兒郎不易得得之如獲連城珠我家有女淑婉姿多方擇配求所宜

昨因水語偶相契鵲橋遠駕成佳期羨子材志清且奇
昂然野鶴鳴天池南窓夜半漏初靜短檠獨對聲吾伊
為消西館延明師辨疑解惑嚴三餘春秋大義炳無翳
筆削微意融如飴今年浙省開秋闈山林豪傑欣逢時
挾策操觚試一往奮然頭角寧容羈春風揚柳黃金絲
都門裊裊牽行裾一栝秣為澆磊隗長歌且謾嘶驅驪
我歌不是陽關辭我酒不為傷別離歌因義重聲漸激
酒為恩深醉欲遲讀書要在涵泳之作文那在雕琢為
張頤浪古匪吉士忠信篤敬真良蓂堂堂周道堪委蛇
屑屑偃室容睥睨達人知此重自檢卓然肯為流俗縋
况爾青年邁等夷三冬問學功未彌名場利囿莫偉致
鵬程萬里須容紆歸哉歸哉勉爾思着鞭去去還早裏

摩老我重回首夢魂長繞南山陲

翁順堂詩為劉錄事贈

憶昔橋門聽雨時舉目皆是英雄兒唯君煥然更文采
聞過子雲一問奇俄然典教出谷城谷城士子資陶成
譬如枯池困鱗甲化歸滄海奔長鯨竭來報政謁

天子妙選賢能輔儲貳近臣有識當薦章官僚隱隱聲華
起殊念椿萱盡白頭西川萬里情悠悠抗章乞得暫歸
覲高堂頓覺歡聲稠難兄難弟自一體膝下承歡奉甘
旨階庭晨夕奏埴篔二親相對欣欣喜喜得賢郎天上
回錦衣映徹流霞栝兄酬弟勸一何樂世間此樂真難
哉吾觀劉氏多積德滿堂和氣融春日欲知慶澤厚且
長試聽吾歌翁順什

已卯端午節賜遊後山觀走馬射柳有作

聖皇御極天地清八方無事歌太平南蠻北狄盡賓服梯

山航海來獻琛我

皇盛德不自矜宵衣旰食圖勸精治安不忘修武事因時

講肄陳五兵五月五日律筵賓人情和暢風景晴萬歲

山前開藝圃龍驤鐵騎俱爭榮羽林衛卒猛且兢赴赴

勇士尤縱橫身衣錦繡光袞袞腰懸素鞬何英英紛紛

纒纒屯柳營擬金伐鼓氣漸盈三軍擡手齊喏喊萬馬

辟易皆震驚有馬朱鬣赤其纒前躍後踴莫敢撓旌旗

蔽天耀日月百般技藝不可名飛黃白鼻如電奔捷躡

跨鞍如絮輕翻身引弓如明月注目發矢如流星颯然

叩弦空中聞須臾剪斷白草莖巧發奇中真妙絕養山

却步誰能爭有如枯楊盤其根有如神仙見其真騎一

騙三如跨堯倒植橫固如奔鯨翻然身從馬腹伸忽然

身從馬首縈躡鳴突兀任超逸狡兔下上無停征或鹿

或狗肖厥形或四或五連不傾肩水頂火手持戟飛削

流砲身懸旌末出騏驥百其羣禽飛獸走齊放生雲中

一派法樂奏綠陰深處鶯歌鳴丁寧

天語宴東城中官款陪論勸頻羣臣盡醉總忻忭拜舞咸

呼萬歲聲

祖宗故事久不行我

皇今日重修明小臣何幸躬逢盛載歌天保答

聖情

題梅鵲

奇芬不比柳原葩高格那同處士家臘意未融三島雪
春光先露一枝花碧桃芳冷千年老阿母探香遣青鳥
飛來枝上月三更夢入羅浮天未曉東風漸煖五雲深
蓬萊高頂饒佳音鷓鴣啼雨子初熟綠陰顆顆垂黃金
摘來擬薦商家鼎味入和羹陋凡品傳巖手段功告成
莫道黃昏水橫影

題金教授先墨卷

金生示我先人卷先人行訖宛然見形容寂寂閉九原
墓上青松如蓋圓積金為弟擇良偶發粟開倉濟貧叟
一上能決里社爭群善恒克鄉飲賓德蓋在躬不自享
澤遺後昆真可尚有子落落負瓌奇十年芹泮為人師
迢遷郡博大江浙鴻飛漸達青雲路吁嗟先人種植心

題皇華秋景圖

知常氏輕黃金為生題卷起我感目斷江南片雲散
明天子御神極四海九州歸化域雕題左衽盡稱臣航
海梯山來效職安南僻在炎荒陬衣冠頗比諸番優昨
來請命封繼世欲徵天寵誇群酋

英皇恩深沛如雨妙選賢能克信使匪徒禮幣尉下邦要
使仁風播遐軌柴公卓矣人中都長身玉立尤魁梧才
兼文武篤忠悃日侍瑣闥陳嘉謨

帝曰專對言汝若公即稽首無留諾驅馳不憚萬里艱駟
牡駢駢自天達歷粵踰桂銅柱西蕃王奔走伏路岐舳
艦蔽江震笳鼓鎧甲列岸迎旌麾使節皇皇就賓館錦
袍玉帶星霞燦遠人不識大官儀疑是神仙降霄漢詰

朝冊禮初告成口宣

聖旨尤分明天光日華照下土頓令海外夷風清于時少
昊秉金令商飈掃蕩炎氣靖雨過山川碧似藍月當河
漢光如鏡枕柳影覆薜荔牆木犀香透芭蕉窓銅鳧縹
緲引蘭佩瓊危激滢浮蔗漿對茲景物雅堪羨回首北
辰望應遠翻然躍馬併歸程暮披君臣共畱戀珍竒寶
玩良賸多一芥不取其索何前菊却笑張博望蒼葢猶
慚馬伏波羣夷相顧咸嘆息盡道中朝真潔白願祝
聖主億萬年我公旦夕恒在側歸來敷奏蓬萊宮
天子嘉勞喜滿容職供機務任益重侍謙心事猶冲冲望
懷小國納成款繪作秋圖示清翫愧無燕許大手筆為
寫長編入青汗

姚文敏公遺藁卷之三

五言律詩

小孤

平地孤峯峭中流底柱峩勢懸千尺玉影覆半江波
僻絕人難躡風清鳥自歌維舟欣晚眺新月掛藤蘿

下峽二首

瞿塘天下險巫峽勢相連夾岸千尋壁中流一罅天
山空無獸跡江逼少人烟唯聽鼓三鼓朝牽百丈船
宇宙誰開闢神功勢可驚水從天上下船向地中行
停午日初見侵晨緩一鳴客懷經此處愁聽棹歌聲

寄聽竹先生二首

小築栗山陰幽深無處尋不貪花滿徑惟愛竹成林

扈蹕還龍駕謳歌入鳳城日光回四表中外動歡聲
聖德如天廣仁恩似海寬累蒙 知獎重自揣報酬
難典禮心猶亂扶喪淚每彈遙思天日表儼在五雲
端

力疾傳恩詔春官列上卿方期禔衮黼忽已隔蓬瀛
淚洒懸輜紼哀隨引路旌終天那復見幾度夢魂驚
挽太常蔣尚書

聖主崇明祀泥書起老臣八旬猶矍鑠三禮藉經綸宗伯
勲階峻郊壇顧闕頻忽聞仙蛻去玄境共傷神

五言排律

賀登極

恭惟

皇上嗣登寶位之日

詔頒天下夔禘禮鄉捧

詔至 端門開讀群工百姓舉手歡呼是日大日晴輝祥
雲繚繞誠太平之象也聊作短詩頌之

高廟千年統文皇五世孫仁聞流宇宙孝道格乾坤
曆數歸元子謳歌屬至尊綸音布赤縣德澤洽黎元
瑞日開黃道祥雲謁紫垣山呼朝帝座虎拜觀天闕
萬國承王朔千官荷

聖恩兩宮誠罔間八廟事如存磐石皇圖筆壽斯嗣續繁
文明過舜禹治化並義軒何幸逢熙運深慚獨素餐
阿衡商用美尚父武猶煩無逸宜陳戒幽風真討論
短詩奚足頌稽首欲忘言

送劉黃門之南京

扈蹕還龍駕謳歌入鳳城日光回四表中外動歡聲
聖德如天廣仁恩似海寬累蒙 知獎重自揣報酬
難典禮心猶亂扶喪淚每彈遙思天日表儼在五雲
端

力疾傳恩詔春官列上卿方期禔衮黼忽已隔蓬瀛
淚洒懸輜紼哀隨引路旌終天那復見幾度夢魂驚
挽太常蔣尚書

聖主崇明祀泥書起老臣八旬猶矍鑠三禮藉經綸宗伯
勲階峻郊壇顧問頻忽聞仙蛻去玄境共傷神

五言排律

賀登極

恭惟

皇上嗣登寶位之日

詔頒天下夔禘禮鄉捧

詔至

端門開讀群工百姓舉手歡呼是日大日晴輝祥

雲繚繞誠太平之象也聊作短詩頌之

高廟千年統文皇五世孫仁聞流宇宙孝道格乾坤
曆數歸元子謳歌屬至尊綸音布赤縣德澤洽黎元
瑞日開黃道祥雲謁紫垣山呼朝帝座虎拜觀天闕
萬國承王朔千官荷

聖恩兩宮誠罔間八廟事如存磐石皇圖鞏華嶽斯嗣續繁
文明過舜禹治化並義軒何幸逢熙運深慚獨素餐
阿衡商用美尚父武猶煩無逸宜陳戒豳風真討論
短詩奚足頌稽首欲忘言

送劉黃門之南京

幾年羈旅轍忝結歲寒盟共鼓橋門篋聯登甲第名
論交常吐膽執別若為情喜慶風雲會欣沾雨露榮
黃門居俊考青瑣屬豪英
玉關辭塞去金陵羨鳳鳴柳牽京國袂苑點潞河旌宴別
時三伏帆開月五更南思雲滿樹北望斗懸城僚案
舟同濟賓朋蓋用傾謹謀匡
盛治黼黻贊
昇平事業追姬上功名擬賈生相期各
弩力矢不負

皇明

題藍溪港

藍溪足幽致嘉道許誰同婉轉十流會潺湲一派東
練浮光接漢翠落碧涵空柳葉三春雨蘆花兩岸風
芳洲馨杜若孤嶼暗梧桐薄淺棊亭小臨清盡閣重
時過採蓮艇每遇斲芹筇地僻塵應遠清閒道自融
醉眠江月落醒看海潮通軟弱鱸魚釣夷猶鷗鳥蓬
悠然物外趣不為世間籠自信如嚴子猶疑是陸蒙
只今時正泰會恐獵非熊

題潘節推隆恩堂

族自武功顯家聲別駕遷詩書光啓後仕宦克承前
京兆煩刑獄推官屬俊賢寬平人不枉明決事無偏
三載勞書奏
九重官誥懸

宸章輝象軸

御墨洒龍箋喜動慈親色光昭考禰下構堂崇棟宇揭扁
耀奎躔感激無存沒榮華及後先

龍隆鄉國羨澤被子孫延金馬碧雞地烏紗銀帶仙馬我
懋忠孝天祿自綿綿

先妣夫人忌辰

六月又六日乾坤何慘然懷親心似割搔首意如煎
匍匐方移地淒涼已喪天祿中溪鞠育膝下最矜憐
能語書親教逢髻乳未蠲寒溫恒撫摸飢飽更周旋
遣學從師傅燃爇課簡編勤功應喜悅懶誦忍答鞭
早出凝看遠遲回倚望懸良朋欣款接狎友恐留連
脫珥供師贄臨機補學錢論文須究竟解義必精研
幸預鄉書薦叨登桂籍先慈情方少慙行色遽成痊
一試春闈蹶三年太學淹憂形雙臉悴淚迸兩頰
慶際風雲會音憑白鴈傳

親抱孫携婦遙逾江涉川京城欣會合骨肉遂團圓
天祿共羞雋宮袍舞彩翩自惟安淡薄不羨嗜肥鮮
柰爾蒼旻酷俄驚素月拾管花空滿砌寶婺竟淪淵
奉柩歸千里埋棺慰九泉制終趨

北闕

詔下赴南躔來往勞萍跡行藏信道緣浮生旬過五食祿
歲幾千典禮慚無効銓官畏有楮矧叨宗伯任深愧
士林賢惻惻憂時念孜孜報國虔位高惟慮墜擔重
每防顛兩鬢蕭蕭雪雙瞳漠漠烟功名隨日火竟夢
與雲鷲巫欲辭朝署爰思在墓田傷神逢愍忌撫景
賦哀篇官舍脩祠事時羞奠寢筵剩知歆沒後那似
奉生前苦情何極終天恨益綿

挽安國恭憲公

世右濟族人鍾泰岳精偉哉當代卓矣

盛時英槐市修文藝花封播政聲虺祥 天妹降月瑞

聖媛生配 帝光樹掖承 乾正玉衡累遷驃騎貴

特進會昌榮三代咸封贈通家並紱纓春秋逾老耄

福祿享崢嶸貴盛禮尤下尊高氣愈平揮金周困乏

割產濟孤嬰愛客投輸款欽賢倒屣迎不誇金谷侈

雅比玉壺清素履無虧失臨終戒滿盈陰家奚足擬

馬氏實堪程俄作南柯夢深關 北關情賻含

恩更厚祭葬禮非輕墓隧香山築碑文翰苑評已看丘

拱幾見歲星更幸際 乾坤轉重瞻日月明眷在

戚里好 軫念渭陽盟肆進國公爵弘加恭憲名

龍軍申真卹 鳳誥重褒旌震器敷高誼

朝賴老成虞淵親取日滄海自殲鯨與

國同休成匡時致泰亨世傳忠孝盛功在鼎彝呈紉始哀

榮備公手執與京

挽陸侍郎同僚

全閩儲秀氣 盛世挺英姿性篤曾參養心潛董

子惟律身渾近古履行不徇時學究天人蘊文摛錦

繡奇甲科歸衆望翰苑

簡降知典禮樂攸重屬經綸有為不堪妻子累竟致腹心

危力疾思猶懇殷憂神轉疲甫辭三品祿俄動九原

悲幸有伏生女嗟無伯道兒扶棺祇孤僕表墓屹穹

碑愧我同官好多君麗澤寶月梁疑李白塵軫失鍾

期幾度臨風處潸然淚滿頤

姚文敏公遺藁卷之四

七言律詩

夜泊荻港

夕陽落盡暮潮平，舟泊沙灣漸二更。
綠岸竹籬驚犬吠，近江村樹動雅鳴。
關徒擊柝傳宵警，馬吏持燈照夜迎。
回首鳳臺纔咫尺，滇南此去幾多程。

過廬阜二首

南紀藩籬倚旻穹，坤維賴此作元功。
雲開萬疊芙蓉秀，雲點千尋碧玉叢。
白鹿不來書院寂，青牛既去壑空。
帆過彭蠡無窮興，都付蒼茫一望中。

盤薄西江鎮楚門，丹崖翠壁擁天根。
雄深不用六龍奠，秀拔應推五老尊。
金闕玉房無路覓，蓮堂鹿院有書存。
共看大旱興雲雨，千里咸承潤澤恩。

自武昌追李都憲

舟發嘉魚日未熙，晚風吹過鴨欄漪。
岳陽凜冽霜威重，江月沉沉鴈影遲。
滿擬李膺歡共載，却教楊子恨多岐。
馬蹄萬里雲南道，回首瀟湘有所思。

過巴陵

巴陵西去望公安，帆過沙灣水渺漫。
雲捲洞庭山色遠，風吹湘浦浪花搏。
江深霧暗侵書潤，天闊霜微怯袂單。
客路莫言多寂寞，湖南佳景恣遊觀。

過桃源遇雨憶商學士

桃源晚過雨瀟瀟，匹馬驅馳路更迢。
山驛有樓雲帶脊，野溪無渡水平腰。
泥途客旅添惆悵，村落人家況

新寥遙憶

金臺商學十日華五色醉仙桃

過平越方經苗賊有感

久治俄邊氣化憇山人乘間肆腥膻干戈騷擾綿千里民庶流離屬幾年敗壁頽垣遺井落荒村古路少人烟偶因奉

詔經由此四顧瀟條一愴然

過雞公關索二嶺

平分天險角西東阻絕山河氣勢雄夾壁仰看千戟列中流俯視一絲通鬼峩誰與誇岷劍秀拔還應讓華嵩却馬于陽非我志一鞭曉色過安籠

過安籠箐

貴陽西去地尤偏按轡徐行望杳然水轉千灣多激石山連萬頃少平州鞍籠箐裏煙竹閑索峯頭

接天寄語往來行路客無端却為利名牽

老鴉関

跋涉風塵苦路難那堪又過老鴉関高山直下千尋壁深箐盤來幾折灣一士把戈當險立萬夫解甲避鋒還護跨函谷為秦障此地應能禦百蠻

過七星関近驛十里

輶車遠度七星関客裏那堪歲已闌百折迴流依岸轉千尋陡壁夾溪蟠霏霏雨雪愁天曠歷歷山川行路難遙聽驛樓迎鼓響音到頻沾酒暫停鞍

過赤岡有懷臘月二十日小女生辰

夜來南下接烏撒曉發東行度赤岡山峻石巉泥路滑雪深天暗馬蹄僵王程有限應旋旆客况無聊欲

斷腸忽憶去年當此日華堂銀燭照霞觴
畢節遇雨雪漫賦

天家織女巧無端剪落瓊花散渺漫雨洗玉容原自
潔風揉綿力強成團馬嘶山路愁蹄滑鳥宿雲林快
羽寒莫作尋常清冷看光華壓倒萬重山

十七日早發松林驛自賦

臘月十七五更發霜華滿地粲如銀人間使節經南
詔天上長庚拱北辰白髮幾莖踈漸短丹心一點壯
尤純暗將犬馬流年數虛度韶光又四旬

忠州弔陸宣公墓

東南山嶽降神奇豪傑之徒世見之正氣浩然天地
塞真才挺出

師留侯學術推先步賈傳經猷擬後退志業未酬
不幸空令十載起遐思

奉天詔下泣癡瘖唐室中興藉論思可恨奸諛惑淵
聽却教忠義老江湄九重倚想恩何薄十稔徵書事
已遲一讀遺文數行淚拜瞻松柏不勝悲

官舸曉發過忠州峽霧冥冥暗未收遙問宣祠何處
是為言荒塚此山幽雲啣宰木千年恨水咽清江萬
古愁汲取椒漿和淚奠英魂尚鑿我心不

南陀晚晴

東下雲陽舟似飛南陀遙望翠霏微層崖雨過添新
瀑孤館雲開映落暉羅釣野翁携蓆去換臨洞客背
簑歸一聲江上寒烟笛吹落梅花欲點衣

荆州寄沔陽林學正先生 首

景陵佳致古稱饒誰識先生托養高日煖玉沙煖鴈
鵝風清沔澤弄鯨鼉五華香履穿青闥三篋蘭漿擊
翠濤濟英才環丈席臯比獨擁講離騷

鄭虔糴粟官何冷劉向傳經道自尊學派滔滔三峽
倒詞源滾滾九江奔仲尼魯史還添傳陸羽茶經莫
費言共惜青氈久寥落恐妨講席不能温先生春秋陸羽
沔人也

先生聲價重山丘道德文章事優詩句雄深渾得
杜楷書邁勁酷如歐本冠肅朝忠倦仁義孜孜一
不休佇見歸朝作梁棟許多棟樑次應收

與君同業復同門氣義何殊弟與昆燈火三年恒共
爛江山萬里幾銷魂肯教割席孤前志須信彈冠副

後言聞道明年春色好早明環珮調

天閣

幾年教鐸振南溟著述應知汗五丁風襲芹香沾丈
席雨深苔色潤羣經鳳鳴曉日先揚彩鶴舉秋冥預
養翎太史昨聞占夢宵江湖隱二動文星

寥落垣西食一簞可憐兄嫂共相看緼袍完補能叻
歲魚酒香調為敵寒勸講夜分還煮茗恤勞晝永更
加餐十年契闊情無限何日重逢恣論歡

朋情真似膠投漆交誼那論梗與萍翰苑春風朝共
挹橋門秋雨夜同聽年登四十頭先白地隔三千眼
愧青顏色幾回驚夢醒分明猶為講麟經

仰嘆世事夢初醒憶著當年淚轉零寒夜立深門外

雪春風聽徹坐中經
可憐公論十年定
應見忠魂千載靈
半篋春秋誰為續
門牆落二似晨星

荊州觀李都堂詩和寄

仗劍飛霜振玉珂
馬頭到處頌聲多
三邊機務身兼畫
一面生靈手撫摩
北使有才梟虜魄
南巡無計逐詩魔
昨來偶誦荊州集
更許誰人和郢歌

夢感

歲癸酉春正月二十九日夜舟次李陽驛
夢故兵部職方主事俞君元器生誕之辰
張安高堂諸舊友咸集盃酒交酬
語言談笑一如平生情正洽為橈聲驚
寤不勝悽愴食為之不下者竟日久之
不覺聲慟乃作詩以志其哀云

後扈

駕陷邊城徇國忘身大義明形化九原

魂不死神遊萬里貌如生
姐筵夢裏逢初度談笑樽前總
舊情忽被橈聲驚枕寤撫膺竟日淚長傾

書忠義事

正統十四年夏胡寇也先率群醜犯我邊庭

上親帥六軍沁之當是時人皆知寇虜之勢未易控扼
親征之師不宜輕舉非僉謀所同無取勝之道焉其
扈從之臣戈自分一死矧兵部實總戎司而職方又
機務所係大既御卒然擔師職方郎中新安胡公
永清當行元器曰從征分也但苦於疾耳君能我
代乎元器慨然曰胥臣子也奚不可之有退而命家
人具行李裹糒糧膏車秣馬直趨

駐驛之所于時大司馬鄜公在師凡章奏羽檄及軍中機
密重事悉與籌畫必假其手以成晝夜累數百應對
如流屬茲勞敝飢渴失度痢証乃作猶力疾不輟既
而幸少差度其事乃力贊大司馬勸
上班師而回弗果遂陷沒于軍於乎若元器者臨難弗避
竭力捍難可謂誠於事

君也忘危守信利害弗較可謂誠於交友也誠於事君非
忠而何誠於交友非義而何忠與義固元器之所素
學素存素行非矯揉於一時者古謂事君致其身生
死見交義如吾元器真可於古人中求之於乎今而
復求敦古道如斯人者可得耶予於元器親愛如手
足非他人比故於沒後每以於夢寐之間儀容宛然

誠如平生豈無謂我是蓋子之心不能忘情于
器誠積而形著抑亦元器之忠肝義膽未能暴白而
其英魂精爽與造物者遊於冥冥之中故累托於夢
以自見焉爾吁痛哉予嘗欲狀其平生行實鐫石于衣
冠之墓道以昭不朽未克果謀茲因志其夢復感而
作忠義二詩以旌其心尚俟太史采擇焉

忠云

親扈

鑾金輿事北征朔風一夕偃南旌龍遊沙漠

分當死馬入穹廬羣我不生勒劍志梟渠賊首運籌力
挽 至尊營滿腔忠血如雷吼化作天戈殺虜聲

義云

利害茫茫世所爭君於此際更分明只知信義泰山

重却等艱危片羽輕同事同官相友愛一生一死見
交情坐令千載敦澆俗太史操觚細與評

過君山

宰制湖湘控上游勢撐宇宙孰能儔螺峯雲外青如
染玉柱天中翠欲浮山氣遠連巫嶽雨嵐光深逐漢
江流舟經不盡登臨趣幾欲攀躋到上頭

丁丑正月十七日迎

駕

幸觀

龍飛寶曆昌人人歌舞太平鄉乾坤再造光千古日月重
華照萬方文武百僚新氣象華夷一統舊綱常自漸
厚祿渾無報願祝齊天

聖壽長

感懷初八宿依家書

塵世飄蓬不自由南來北往幾時休浮雲偶爾弄風
出宿鳥猶知向晚投忠孝一心圖報稱功名千載欲
貽謀年來剩覺多歸夢頻在桐江把釣鈞

東光有感

當年兩岸百餘家此日經過事可嗟粥子沿河輕似
草橫屍載道亂如麻十門九突晨無爨比屋連墻暮
有鴉幸際吾

皇正宸極會覃仁澤被幽遐

與蕭都憲同發張家灣船不及以詩追之

陞辭聯袂下瑤天上日齊開潞水船行李滿期同載
去旌麾誰擬着鞭先潞公鎮洛邦維重司馬歸朝衆
望懸當宁需賢方側席輜車不久定應旋

表表英才蕭大夫皎如秋月湛冰壺須知

聖主圖新政故遣賢臣鎮舊都 恩命頻占烏止戟文

明端見鳳棲梧莫言此去江湖遠好竭忠誠贊

帝謨

留守南臺委近臣曉辭

天語重丁寧綱維有賴元非舊禮樂無才敢謂新駢騷
欽超逸足驚駘深愧逐先塵臺端暇日清如水青眼
能教顧我頻

望德州二首

百雉孤城是德州夕陽漸沒路悠悠無端歸鳥接
宿何處飛帆向岸收心急不堪舟子倦望懸擬到

海岱雄封拱帝畿春來景物漸融怡夾堤楊柳窺青

眼出水菰蒲漾綠漪江到曲時舟學寫帆經直處岸

如移况逢 聖主重光日民庶熙熙樂盛時

過故城即事

積水初消地力腴老農稱煖任耕鋤郊原歷歷

意民庶紛緝故廬

遂樂華胥經行喜見年光轉四海咸歌化日舒

中秋夜招周秋官小飲

天公有意賞中秋撤盡閒雲雨漸收玉魄皓當三五

夜冰壺冷浸十千州忠懷喜玩東坡句清興登庾

亮樓近想故人能過我一觴一詠為君酬

憇宿大勝寺會諸同年有作

憇宿大勝寺會諸同年有作

憇宿大勝寺會諸同年有作

歲戊寅閏二月清明分遣謁

三陵乘馬出安定關折西行十餘里東風蕩寒青陽却煖
楊柳萌芽而未舒杏花含笑而羞吐卒然吟曰柳眼
窺晴開尚小花容怯冷笑猶慳至晚宿大勝寺邂逅
諸同年解鞍息馬散步溪樹間撫時育物之懷欣然
自得於是各出所攜對月浩飲抵掌一笑自以為人
世難逢也既而齋堂鐘響擁醉入室但見熒然一燈
且明且滅猶足動手情者因賦一律記其事復足成
前韻莫不負初興錄呈 同年諸公幸改教焉

祇事

山陵曉出關無端春色翠微開馬馳沙路穿雲穩人向叢
林步月聞柳眼窺晴開尚小花容怯冷笑猶慳四

民物咸熙解何情尊前一解顏

郊行暫息上方看春色三分最可憐楊柳冒寒綠
綠杏花偷煖隔林然梵鐘命食聞僧語禪榻留燈借
客眠邂逅同年喜駢集一尊沉醉習池邊

用前韻酬張同寅

一天星斗耀躔宮邸孤眠醉未醒林木風摧宵瑟
瑟御溝水滑曉冷冷濟時無策蹙食金紫垂世何功汗
簡青虛度年華幾半百移文愁動北山靈

夜靜書齋月透櫺輕寒嚴枕夢初醒沉沉玉漏璿璣
轉淅淅銅盤沆瀣冷銓鏡自慚迷黑白功名寧許上
丹青幸逢

聖主隆熙治獲觀休徵致四靈

近冬喜雪連日

三白冬前世所稀于今頻見六花飛周旋玉宇天容
闕覆被神州地脉肥應喜來年民有食却愁窮歲士
無家老子猶愧縻高祿病骨何能贊化機

帝憫斯人俯鑒臨不施珠玉兩黃金欲為明歲三農計故

落寒花尺深茅屋照二涵聖海交哇勃三見天心

十年聖化同堯舜行聽康衢擊壤音

冬至日恭遇

萬壽節朝罷有喜而作

陽氣初從子半回祥輝南極照蓬萊

聖心允與天心合瑞氣應隨淑氣來與西嶽三呼朝

玉陛雲韶九奏進金盃皇圖頌祝乾坤久壽域長司

珠溪佳趣

聞說珠溪景趣幽若人居此足夷猶窻迎曉晴排青

閣掩晴江湛碧流松暝時來雲外鶴沙融每下海

邊鷗何當一鼓山陰棹遍覽名區悞壯遊

送內弟王仲啓

君來問我意如何我贈君歸有甚麼仁義傳家終有

慶詩書教子更無他夢飛桐水看雲卧酒酌秦淮對

月娥歸到吾廬如有問祗今愁比向來多

送鄒亞卿歸省五首

獻陵華鬢老儒臣餘慶悠二裕後人王祐功名遺魏

國仲淹事業付絀仁不緣闕閱徒干澤自以文章早

致身京國幾十年桑梓夢承恩此日出 楓宸

忠孝傳家一寸心 明時位望重南金 朝廷禮

樂經綸密天下人才化育深疏入 九重推孝錫

帆歸兩浙播綸音展揪好速歸朝馬四海蒼生久望

霖

三朝德業士林推早以清純結主知議禮容臺資老

練論兵司馬嘆精奇思鄉日積心如渴憂國年來髮

似絲暫息塵勞歸故里莫緣尊繪重淹遲

三十年來畫錦歸山川草木盡生輝恩頒寶鏤香攜

袖

勅賜金紗露染衣仙壠薦馨芬 華堂啟宴藉簾幃

若溪風景渾如昔坐却令人息世機

舉他年應許我徐行露沾曉佩偏饒潤月照秋江分

外清為報同寅歸太史恐妨親舊眷留情

送劉憲副仗和提學于浙

學濟天人邁世才官兼政教重行臺衣冠兩浙多矜

式狂狷諸生獲取裁馬過山川時雨潤車臨郡邑惠

風來昨宵分野當牛斗一道文光接上台

送王留守之鳳陽

錦衣日侍大明宮出鎮中都倚任隆淮甸正資防禦

策蒼生應賴保釐功旌麾擁騎恩波闊鉦鼓開牙號

令雄謾把驪駒歌別酒 帝鄉花柳滿城中

送尚寶蹇公致政回鄉詩二首

久典符臺近 帝居年逾七十遂懸車功成身退

心無歉子貴孫賢樂有餘騎別都亭花發後帆歸巴

峽水消初閒邊詩酒堪娛老世事悠二任毀譽

父子居官八十年當今榮遇更無前累 朝誥命盈

笥篋再世功名在簡編白髮荷 君容納祿黃金

散客不求田優游杖屨桑榆景時會耆英似洛川

送徐憲副之廣東 蠻氛嶺外久縱橫重為行臺簡老成撫馭少舒三尺

法招懷寧偃六韜兵天書宣布恩波遠海道巡行瘴

雨清萬里功名從此達好輸忠藎荅 皇明

送進士張翥歸蘇 帝畿東吳才子昔持歸

二月風光滿 九

剩沐恩榮重千里還思定省稀江水迢遙懸晚席山

花明媚照春衣到家喜慰門問望及早來依日月輝

送劉同光祿展省南歸 南國重遊結契深卜鄰寧肯惜千金風晨時共尋蘭

若月夜頻過醉竹林奏績喜承明主詔還家得慰老

親心都門把手難為別好託賓鴻一寄音

送劉太守致仕還南二首 吾嚴郡守泰和劉侯剛始來作判七越年清譽

大著民咸德之乃狀其績群訴于都御史軒公

聞于

朝遂越級陞侯知府事民欣欣若得父母焉侯亦克體

朝家意赤子其民夙夜弗怠在任十有一年民德之有

文苑英華卷四

加焉茲考績赴天官衆意其復來也庶以終厥
德侯至一日即以狀乞歸老飄然而去噫可謂
知足之君子也予嚴人也雅知侯之為人簡而
儉謙而有為其得吾嚴民心者以此於其歸能
無一言贈乎因成鄙律二首輒而歌之庶亦為

行李壯云

判守嚴陵十八年誰人不道我侯賢家無刀劍庭無
訟衣有桑麻食有田去任尚留遺愛在還鄉贏得湛
恩偏鄰翁若問官資厚試探囊中貯一錢
一冊勞書奏九重翩然拂袖出城東潁川野老猶思
霸渤海農民尚望靄白雪遠衝歸路馬青春遙逐渡
江鴻自來明哲如君少唯有廬陵六一翁

送沈憲副之浙江

中臺典憲久馳聲臬府超遷簡俊英露下九天霑寵
渥風行兩浙會澄清剡門柳嫩青難折吳曲桃鮮紅
自迎此去好平三尺法大施霖雨福蒼生

送鄭侍御巡按江西

青年甲第挹書香執法中臺信有光白簡久看持正
色皂囊每見抗封章霜經南國秋聲肅雨過西江春
意長此去功名知遠大澄清端不讓張綱

送王選夫赴廣西戎幕

幾年贊畫殿炎方藉甚聲華遠播揚雅量都超難獨步
清才謝石擬同芳雨飄辟荔侵書牖風挹芙蓉入幕
香奏績重看歸帥聞青春作伴快南翔

送人教諭南陽

霜黃露白菊初芳送客都亭酒滿觴袖挹天風辭
北闕鐸時雨過南陽講餘午帳芙蓉煖課罷春般首蒼
香近日儒官多顯用會收梁棟入山石廊

送張參政還山東

職佐旬宣屬老成三年奏最出承明朱袍象笏
恩波陶玉露金風爽氣清薇省晝閒知政體棠陰春
謁識民情青齊父老思君切馬首壺涿到處迎

送吳璘秋官考績還任

粉署仙郎玉不如才華籍籍重當時文章南國知無
敵政事西曹屬有為奏績五雲辭

朝早承恩一馬渡江遲切口盛世知年少擬展絲綸入鳳

送南監先生

承恩曉發向南都共喜賢關拜宿儒官系玉堂
新寵渥教旆壁水舊規模雪飛燕旆馳單騎風
指江帆沂隻艦遙憶橋門迎望久衣冠濟濟樂樞趨

送劉淵明教授開封

不羨紛二競利名寒糴偏喜一經橫中山樂育人才
盛汴水超遷吾道亨獻策昔由道賈誼說詩今復見
匡衡十年故舊重驚別把酒歌歌無限情

送楊憲副之廣東

黃甲曾題姓字香烏臺聲價豈尋常久知清白如楊
震還喜功名似范滂身出中朝新雨露馬臨南海舊

風霜難兄德業關人望擬見琳班侍

玉皇

送都綱一元還姑蘇

暫違蘭若謁金扉稽首翻然返翠微
錫杖謾從天上下衲衣遙向月中歸
焚香說法蒼龍聽揮塵參禪白鶴飛
借問遠公何處住烟霞深處隔林扉

送洪繡衣

基端振肅久馳名按節滇南荷

寵榮萬里馬蹄

經貴竹三秋豸角照昆明風臨郡邑炎氛熄
霜壓邊疆瘴氣清白簡相傳自諸父知君不負舊家聲

送何黃門歸省

夕郎才望賸光輝祿養慈親志不違
分得天厨時入饌賜來雲錦每成衣
金門懇蹕思鄉切寶鑑須因

梓歸明到故園春木老潘輿遊處正芳菲

送南京儀曹李郎中之任

出入勤勞人共賢承

恩曉陛下南天郎官五品

躋華要禮樂千年任講研雲霄鍾山之舊國
雨添潞水上歸船此行更望成嘉績會見徵書向日邊

送鄭司訓景常之鉛山

除書新捧出彤墀此去優游樂更宜
風月無邊頻酌酒江山有興一題詩
杏壇教化千年範湖學規模百世師
結髮交遊今白首臨行執別意遲遲

送劉盡心南歸

青年自得琴書趣壯志還為京国遊
辭氣雍雍資世澤衣冠楚楚壓時流
雲霄奮翼非難事道義持身不

外求

聖代只今揚側陋詎容徐穉老南州

送江贊禮歸南京

冰壺標格迥無雙喜際明時列奉常雅志素諳周禮
樂清才尤識漢文章祠庭贊導心逾謹官守寅恭職
更揚奏績九重歸舊國潞河水滑快南橋

送人赴河陰典史

送別都亭曉色侵迢迢匹馬向河陰晴空遠逐王喬
鳥靜日閒聽子賤琴蓮幕風清紅滿院桑田雨潤綠成
林更聞民俗多淳朴惠政應孚百里心

送宋宗魯江西僉憲

共羨開元相裔孫外臺超擢自黃門螭頭簪筆傳

詔多角我冠荷

上恩霖雨萬家齊樂業風霜干

里獨乘軒餞君却憶當年事携手看花醉亦園

送金太守致仕還鄉三首

作郡功成奏

九天急流勇退共稱賢衆方競進

無虛日君獨懷歸不待年錦帳平分秋月去緋袍遙

帶御香還更看家學光前武燁二丹雘在日邊

三十年前託契盟宦遊中外兩懸情盍簪尚有青瞳

在把手空驚白髮盈顧我不才猶恋祿羨君未老便

辭榮都享祖餞難為別回首城頭月正明

投綬歸來力尚強尋山問水任徜徉蘭橈夜月歌牛

渚黎杖春風嘯鳳岡萬斛塵襟絃上瀉半生詩債醉

中償始終名節如金玉誰許移文近草堂

送陳教諭之長洲學

教鐸初懸出林示城東吳士子喜陶成紆橫泮水芹風
開帳啓鱣堂杏雨清安國至今存軌範元龍自昔足
家聲正逢儒道興隆日試取長才為一鳴

送嚴州方醫官

醫傳三世共推賢妙得靈樞意外玄指下膏肓無遺
迹囊中咀吸不論錢黃堂譽重封章達丹陛

思深衣錦旋歸到嚴陵三月半杏林春色正鮮妍

送卧雲處士南歸三首

行義鄉邦夙所推都門相會忍相離葭莩不棄朱陳
好松栢能堅管鮑知桐葉凋霜人去早稻花含露
歸遲江南風景還如舊好折寒梅慰所思

千里相將入

帝鄉荷衣懶惹御爐香偶看鸞雁

儀天闕却憶鴛鴦在野塘桂子風中歌別酒芦花浪
裏促歸航故園親舊如相問為說黃門底自忙
臥雪先生樂隱淪山中習靜自怡神酣歌菊徑柴桑
客笑傲桐江粟陸民放鶴幾回過夜半釣魚不覺到
通津漢廷禮樂還耆舊未許鷗波老此身

送人官大理府

欽陽萬里副車通蠢爾烝黎久望公禮樂衣冠歸化
域桑林禾黍滿提封舟經巫峽三春雨馬入滇池五
月風此去料應多惠政行看奏最大明宮

送徐太守之臨洮

椰榆剖竹出臨洮遠郡于今得俊髦坐見六條興德

化行看五綽，偃方刀佩辭魏闕。分時雨馬入秦關，擁書筵同事春官。經歲月相違，不覺意切切。

贈樊景瞻參政之河南

簡任方隅輟近臣

聖皇深念在斯民，藩屏中土資良佐。霖雨蒼生體至仁，秉筆記言風彩舊。建麾作牧

寵光新多君素抱巖廊，具暫出還當侍

紫宸

送徐侍御巡按廣東

堂堂才氣繡為衣，按節巡行出

帝畿鐵豸帶霜

辭北去，玉驄嘶月向南飛。尉佗遺種沾新化，桓典風

流振舊威。擬見聲名騰海外，廟堂虛席待君歸

贈國子助教姚先生考績還南京

開元賢相有雲孫，太學橫經費講論。六館春風陶禮

樂一團，和氣盈紉坤。昌黎去後官何冷，安國來時道

自尊。奏績曉辭丹鳳闕，諸生鼓篋候橋門

贈鄉友徐明德僉憲江西

青年衣綉出蓬萊，臬府遙從翼軫開。霜帶豸冠衝暑去，雨隨駝馬應時來。巡方好展澄清志，按法須資練達才。更喜同官多宿彥，聲華不日到金臺

贈人致仕歸杭

秋盡黃花見落英，掇來滿泛贈君行。眼寬不覺塵纓脫，身倦唯知宦業輕。肘後有方能却老，尊前無事足娛情。吳山風物多佳致，鳩杖鮑桓懶入城

贈梁侍御便道歸省

狀元孫子綉衣郎玉節皇皇出建章故里絳遊紫書
錦高堂稱壽慶霞觴龍章鳳詔忠波閣鶴髮童

顏歲月長忠孝兩全誰得似廟廊虛席待回翔

贈吳給事歸省

五皇案吏富才猷詔許寧親

寵渥優氣節堂二知國

體封章澤澤為民憂雲飛故郡三山曉月帶歸帆一
路秋省罷還朝春正好姓名早見覆金甌

清芬久播玉階前輶輟端頭子告還五色書函天上
寵百年人樂地行仙錦衣便作斑衣舞春酒頻為壽
酒傳珍重榮歸無以贈一枝香雪入詩篇

寄諸生

槐花黃動試期催江浙文場八月開十一府人俱會

志二千舉子盡英才月中丹桂連根拔筆底長虹信
手裁老我南宮惟側耳捷書先託便鴻來

寄林先生培之

莫把閒愁惱素懷好將襟度強舒開功名未際不須
計命運有時還自來地僻喜無車馬雜庭空應少簿
書催况聞田野歌豐歲頻坐花陰整玉徽

寄納言布政

綸音初下士林誇方伯榮膺遠拜嘉嘉盡道一門官最
盛那知六世慶元賒承宣南國三千路保障東隅百
萬家好布公忠作霖雨遭逢慎勿負年華

寄贈咸寧唐大尹

制錦偏承雨露恩琴堂喜得晉公孫鳧飛南國花盈

縣雉哺東郊，柘滿村。勸學曉寒臨講席，省耕春煖駕
遊軒鳳毛池。揚朝彩勲業，應知萃一門。

送俞少傅養病歸

聖主龍飛任舊臣，金盃金時沐。

寵恩新髮添華髮，因憂

國病入中年，便乞身。祖道盛供疏，受帳故鄉好薦李。

膺尊高調元氣歸來，早應念吾。

皇盼望頻

奉寄叔父寧津公

六載無由獻壽杯，笑顏頻向夢中開。焚囊剩喜承家
教，代政殊慚相國才。一職近依青瑣畔，寸心遙切玉
雲隈。清朝未許投替級，何日林間杖履陪。

脫却朝衣卧草萊，白雲深處獨徘徊。庭前有菊

梅窗下無花，只看梅蘭砌。群孫朝戲舞香山，諸老日

退陪天邊徒切承顏念，一望鄉關腸九回。

一自嚴庭殞落暉，誰憐慈母抱孤兒。不圖盛德濡離

翼，那使微才接鳳池。貽訓何當安石意，推恩未足五

倫私。幾回夢斷桐江月，一抹疎雲鴈度遲。

寓東朝房寄憶納言詩序

予每作詩，憚於思索，故不能出奇。新往往提筆
伸翰，輒欲強就，故多鄙拙。夫辭弗工，務以情勝。
思未到，要以力成正。如不善養氣，徒義嚴而取
之，非集義所生也。且予年四十已有六十之態，
聰明不及前時，精神虧於往昔。讀書過口，輒忘
遇事轉頭，便失眠。已生花杜少陵所謂老花

似霧中看予未老已然據理斷事偶中二三援
例稽法百不得一矧當強仕之年已有厭仕之
意凡百類此豈惟詩乎哉吾弟質強志銳吾將
望以成大 事業振大家聲名徒依依於故林
舊水放情暢懷以取自樂而已匡國安民允惟
斯時宜敬尔心速爾駕以待 王事以供天
職未可遲遲其行也詩多春望期望意尚繹予
衷未揆何時相慰也

平生苦愛對牀吟萍跡那堪商與參琴匣幾回開復
掩自從相別不成音
別來不覺歲侵尋兩地相思一寸心南北驅馳雲樹
渺孤鴻寂寂恨偏深

我去金陵君在闕君歸梓里我來京夜牀風雨情偏
切春草池塘夢不成
秋風宜買浙江船整肅衣冠覲九天姓字久為當宁
識濟時須仗出羣賢

和錢學士韻

奉詔南遊氣象都遠人爭逐玉堂儒天恩寵眷真奇
遇海國翱翔屬壯圖風采矚看驚馬異俗文章那肯易
明珠歸朝贏得清名滿試探行囊一物無

銜坡曉下出京都為撫蠻邦簡駿儒車服皇 昭寵
數山川歷 按輿圖行邊剩有陳孚稿囊裏應無馬
援珠 聖主恩威覃海外越裳奉職古來無

和楊內翰詩韻

翰林編修楊君守陳以易經中浙江鄉榜第一
登進士第文章詩詞為時推重今年同母弟守
吐復以易經中鄉榜第一而從弟守隨中第三
十八一門兄弟先後爭光誠古今所罕儷也編
修君始得報喜不自勝發諸吟詠提筆伸翰甫
成首聯四句適司寇陸公携酒來賀欣然誦之
公遂足成末聯四句為七言律詩一章編修君
寫卷持示諸紳索和弗工於詩顧與君同而
兄弟科名亦略同安得不一和之哉工與不工
未暇計耳呵呵

君家種德百年來三鳳連飛上玉臺翰苑搗詞推獨
步鄉閭掄秀占雙魁明庭喜獲聯環璧大厦須求合

抱材更看春風動桃李九重先聽一聲雷

和納言布政見寄韻

邇者承賢納言布政寄近體詩一章情義俱
云疾中令子書之信然予自納言夫心憤氣促
皮膚發癩塊漸成燥癢殆今未甚愈數上跡乞
歸不得遂成無顏對群比共處雖然天道好還
姑俟其定乃用原韻勉和五首以復唯納言開
心擴懷舒布四體勤於山涯水際歌風嘯月
以洗胸中查滓庶幾神清志適形骸快朗邪慮
弗能下塵痾釋然而去矣何必藥石為哉幸留
意萬萬

翻思往事每酸辛誰信清朝有放臣自古浮雲能蔽

日子今朔雪太凌人也知正論諧時寡最恨淫朋作
梗頰累疏乞骸天聽遠夢魂千里未歸身

高齋閒念獨悲辛非德叨居厚祿臣禮樂未能敦古
典功名深自愧前人以茲至日短俄敬馬亦帶孔旬移不
覺頰涼倒徒為時輩誚九重未許乞歸身

早年志業最勤辛慨慕當時社稷臣科甲迥看先衆
士才猷元有幾多人弓蛇悔不臨期審市虎其如說
者頻誰道蒼天渾莫省江湖空老濟時身

風波宦路熟艱辛勇退何如明哲臣不待白頭辭顯
位且從綠野作閑人詩書剩有佳兒繼尊酒曾無俗
客頻我欲歸來守初約世間那得百年身

底把閒情獨苦辛古今多少去來臣天機動處誰為
力命運通時不在人風月莫教詩酒曠沙汀須覓宜
遊頰會中浩蕩寬於海珍重千金丹召身

壽楊尚質母夫人

時光正值暮春天阿母欣看壽筵鶴髮縷分雙鬢
淡鳳袍錦簇百花鮮杯浮琥珀香沾袖曲粲珠璣韻
度絃禁署賢郎違席下遠將詩句慶長年

壽黃亞卿母八袞

春日春花春宴新高堂偏稱慶生辰擬將東海長流
水奉向西川不老人命服晴輝金孔雀彩庭朝舞玉
麒麟百年康健常如此眼見孫玄繞膝巡

題紅梅寄新安汪老人

誰把機心奪化工水姿點出小桃紅香唇肯向風前

露醉臉偏於雪後濃林圃影橫甘獨老傳若未好耻
言功慙慙千里為君贈夢入先慈思不窮

先人大痛有感

天奪吾親何處求長懷罔極意難酬生前獲奉一杯
飲沒後那論萬戶侯衣被深仁臻位顯沉酣厚祿為
誰謀荷蒙

聖代推衿卹

紫詰重封貴若丘

仙遊一去杳無踪黯淡乾坤此日逢兩歲孤兒今白
髮百年荒塚已蒼松夢魂徒擬形容似裸真猶聞聲
咏濃祿食忍為妻子奉九原甘旨問誰供

酬高太博

承高太博惠家鄉酒為銷暑之具且賀舍弟

附有不避親之言因作詩酬其惠且以解嘲云

酷暑公堂坐未回案頭無柰簿書催便思赤脚踏水
去忽報青州從事來喜對尊罍新得月免教喉吻卒
生灰何時有暇乘清興邀取故人懷抱開

公道誰云可避嫌况於為國在求賢祁奚仗義先推
午謝傳忘親首舉玄譽謗似難辨眾口是非應見定
他年也知菲薄當銓轄不卹人心祇畏天

疾嗽百日有感而作

閱世看看六十秋四朝恩寵老難酬榮華富貴眼前
事功業文章身後謀恤緯尚慚婺婦志捫天徒抱杞
人憂也知造化難為力藥物區區勿妄投

敏孫勸予復進藥因諭以平生事

病軀猶自早趨朝苦戀君恩敢憚勞虎拜幸瞻天表
近龍飛快覩日華高勉脩藥物扶殘喘尚冀葵誠補
一毫生死古來原有命底將心事付兒曹

病起

逢時碌碌度年華花甲周流似轉車兩足不隨身入
步一心常逐夢還家國恩酬重人空老世態倥傯日
已斜病骨未容投綬去強顏食祿謾咨嗟

挽趙秋官二親

脫徒塵寰已有年高名猶自里中傳原田春雨耕田
歇宰木秋風客劍懸世澤尚存書屋舊家聲重

挽吳都御史

堂福壽氣雍容鶴髮龍章兩受封禮度相夫齊
袞義方教子已千鍾綵輿忽報春遊晏畫壘空憐曉
障重諭祭特頒褒恤典始終良荷聖恩濃

挽聶大年先生

胸中風月浩無邊每見詩文世共傳詩逼蘇黃氣吞
海文追韓柳筆如椽芹宮久惜淹胡瑗史館方看得
馬遷才未及施人已化士林誰不一潸然

挽鄭都憲父

南渡移家數百年先生行誼獨超然一鄉古道推陳
寔滿架遺書屬鄭虔吳曲俄聞鯨化去孤山空見鶴
飛旋賢郎功業昭當代死贈生封慰九泉

挽李通政

清才已簡九重知，廊廟功名定可期。豈謂急流身退
早，俄驚華表鶴歸遲。銀華佐政人猶惜，青瑣封章
尚遺群行不須煩。太史好書明哲墓前碑。

挽蕭員外文雲山先

八袞恩封五品官，鄉邦以美士林難。正宜萊砌春娛
煖，豈料春庭夜怯寒。禮有人應可託雲山無主詩，
誰看剩留遺德昭。碩生也光榮死也安。

挽定西侯

天生上將佐明庭，智力英雄薄衛青。叱咤風雲銀壁
晦，指揮羅虎鉄戈腥。南蠻望識先虜魄，北虜聞風
遁形。殺氣不隨生氣滅，塚頭猶自書冥冥。

挽張御史父

跋涉風波八十秋，歸來高卧已山幽。調施不吝千金
橐，談笑曾輕萬戶侯。渭北非熊宜協夢，遼東化鶴忽
成愁。空令月旦評高誼，應似當年陳大丘。

挽劉侍郎母夫人

名門毓秀更柔端，閨範賢明世所難。萬里成家還致
富，一經教子已居官。庭前萊服春娛煖，堂背萱花夜
怯寒。昨日南橋焚紫誥，餘光猶自賁青峦。

挽龔御史父

曾借牛刀試武城，折腰那忍負平生。掛冠高卧水雲
處，閉戶不驚風雨聲。息錫豸衣緣有子，魂歸蝶夢竟
無情。欲知世德傳鄉里，請聽淮南月旦評。

挽孔刑侍

宗盟闕里豈凡材飽歷風霜內外臺北鎮總戎寒虜
膽西曹執法息如謀諸公爭為巖廊薦一夢俄驚梁
棟摧萬里襄陽歸櫬日白楊粲粲不勝哀

挽洪職方父

高世無心利祿謀水鄉雲壑恣優游鳳來不為蒲輪
出鶴去俄驚蕙帳愁竹徑棋枰苔自掩草堂琴案月
空留麒麟塚上新題碣人仰高風似太丘

挽施尚書

天生間氣邁常流身際明時五十秋一代英賢推柱
石兩京聲價重山丘都官忽訝亡羊侃司寇應嗟失
爽鳩盛德由來宜食報賢郎武克紹箕裘

挽耿尚書

慷慨淡夜何其梁木云摧勢莫支一段忠懷那復
得百年清操竟成咨恒齋惟有匡時稿遺篋曾无鬻
俸貲餘行不須煩太史清忠好揭墓前碑

挽高學士尚書

地挾江淮鍾秀氣時逢明盛發英賢文章一代經邦
國德業千年照簡編鳳去尚顯霖雨望鶴歸俄惜棟
梁顛不才無補慚知己徒自臨風一愴然

挽張侍郎母

北堂寂寞夜何其百歲歡娛事已非無復潘輿過院
落空留陶範在庭闈生封死葬恩何渥子貴孫賢世
所希玉瘞泉扃神去遠瑤池笙鶴幾時歸

挽吳黃門祖父母

大神山下鬱蒼蒼，雲谷高人此處藏。
黨遂不忘延熟教，鄉隣還憶濟貧糧。
名傳月旦逾時重，澤演詩書再世光。
已有聞孫顯朝著，存承鸞詒賁玄堂。
傳聞懿德女中師，壽福兼隆世所稀。
每以慈仁親里族，自將禮法肅庭闈。
祥臻萱閣融融養，芳滿蘭階奕奕輝。
百歲光陰塵夢斷，瑶池阿母共西歸。

挽柯學士父

不貪鍾鼎卧林泉，道誼悠悠晚益堅。
教子早登金馬署，荷君重賜綵鸞箋。
鄉邦無復儀刑在，月旦猶聞姓字傳。
終始哀榮膺異數，總知為國克生賢。

挽劉憲使父梅莊處士

西風昨夜掩梅莊，人去猶存雪後香。
一朶詩書傳子

姓兩封官詔，荷君下青山杖履空。
岑寂白社衣冠竟，渺茫寧遠遙看埋玉處。
雲林佳氣晚蒼蒼。

挽人父

隱君高道在慈溪，行誼應為眾所推。
無歲不登鄉社飲，有懷頻誦考槃詩。
恩封正擬百年養，夢斷俄驚五夜悲。
回首四明何處弔，淡雲一抹翳靈芝。

挽芝軒

先生卧嗜北山薇，一夕莊園夢不歸。
有子正宜三釜養，無緣竟與百年違。
空留詩句題芝室，那復綸巾款竹扉。
懷德高原埋玉處，猿啼鶴怨自斜暉。

挽人母

夫榮子貴際昌辰，翟履珠冠荷寵新。
鼎饌頻供三釜

祿板輿射度百花茵秋風忽墮忘憂草夜月空懸不
老椿忠孝郎官淚成血烟雲扶櫬入西秦

挽人詩

僑居閩越故侯家伉儷齊賢事足嘉百歲鄉邦稱懿
範一門詩禮是生涯身歸泉穴軋坤老墓拱松枝雨
露餘更有賢郎才器遠功名行見振京華

節婦

早年苦賦柏舟詩幾度秋風剪髮絲清淚暗從機杼
泣素心不為雪霜移晨供必饌思先日夜對寒灯謀
子時兩沐旌褒祭八表高堂愛景尚遲遲

姚文敏公遺藁卷之四

姚文敏公遺藁卷之五

七言絕句

恩榮十絕

禮部觀榜

虎榜初開霽色新豪華濟濟欲爭春誰知久困橋門
客却作南宮第一人

丹墀對策

綸音渙發曙初分伏對丹墀日未曛十載學成經濟
策從頭目得獻吾君

玉陛傳臚

五色祥雲捧日明九重隱隱聽臚聲自慚菲薄叨陪
列却羨馮京獨擅名

金榜題名

長安高掛黃金榜御筆親題墨尚鮮莫笑龍頭讓人
去如何兄弟姓名聯

恩頒寶幣

鎗頰五錠價如十換得烏紗拜九天莫把此為觀美
具好脩德業繼前賢

宴錫瓊林

賜宴瓊林得志春宮花插帽帶橫銀醉歸按轡長安
道盡訝蓬萊仙島人

釋奠先師

德高萬古人心仰道濟三才廟貌尊木學登庸惟
澤禮行釋菜敢忘源

勒石太學

聖代恩隆進士科勒名國學意如何要期事業光前
千

載芳聲不可磨

觀政天曹

視政天官地位清紛多士聽銓衡雖然未與箇中
事黜陟幽明已可評

榮食天祿

十載寒窓事簡編喜叨三金代耕錢信知書有
粟絕勝城邊二頃田

蘇武李陵泣別圖二首

磨盡旌旄死不遺空印萬苦獨君知如今遠返歸期
節把手臨分嘆別離

十八年來共旅羈送君恨恨不能辭早知今日分携

意肯樹當年降虜旗

奉教戒再吟一首以樂老母之心

老親常恐醉醺醺不信痴兒志氣高時值太平端可
樂彩衣戲罷舞金袍

題紅梅寄卧雪翁四首

寒葩分得西湖種植向桐君樂竈傍一夜東風丹走
却染成點絳桃香

可是東君檢點差無端冰骨着丹砂北人不識江南
意疑道春前有杏花

孤高標格許誰同每向間邊露化工雪滿乾坤成獨

立醺二酒暈玉顏紅

素性本寒非艷傳傳平陽脚笑東臯商家調鼎功可

帝賜脫白加緋袍

食九弟所寄潮魚詩以謝之一首

幾年不食家鄉味想煞桐江舊釣磯一尺潮魚千里
念弟兄情分世應稀

潮魚雖短味偏長珍重君能遠寄將嫩韭蒸來香滿
口一餐午膳倍尋常

百日哭女淑卿

淚盡肝腸老眼枯焦熬兩鬢只頭暈空勞魂夢存形
影會到黃泉相見無

送袁學正之廣德學二首

貴得燕姬麴米春東風餞別柳條新酒瓶易盡情難
盡月上城頭正惱人

送客城東酒一杯溶溶春水綠於苔片帆遙指桐川
去杏樹壇邊花正開

送友人之官二首

雪消鳩鵲春光轉雨沐園林物色多濁酒傾情須引
白江山風景馬頭過
京城共聽元宵雨驛路獨看楊柳風河洛冰澌船尾
滑鶯花撩亂渡江東

寄南京李通政二首

十年道誼重交遊幾度分携幾度愁南北各天勞
想楚雲燕樹兩悠悠
琳館瑤宮賞玩時青山綠水揔成詩衣冠彷彿昔
會此際知君有

己卯人日穀日二首

正月七日是人日乾坤到處皆春氣
三萬萬年四海九州歸壽域

人民總以穀為天穀日欣逢霽景鮮從此豐登應有
兆萬方同樂太平年

謝納言寄羔裘并致懷二首

遠寄羔裘念我寒着來偏稱跨朝鞍應當愛惜如平
仲二十年來還共看
人生出處苦難齊每向東風憶起居若問阿兄何所
似鬢邊華髮漸蕭疎

題扇

一簑笠磯頭狹獨立手繒春水滑寄語當年彈鋏

入食魚那如取魚樂

寄芮都憲防邊有蹟二首

滿面風霜殺氣多，腥胡頸血染天戈。況今五路兵齊合，不日旋師奏凱歌。

手握邊城百萬兵，登壇叱吒鬼神驚。天驕不敢窺涼，肅戰士韜戈事野耕。

會同年于宋給事宅

元日同儕宴樂頻，百年盛事一朝新。請君休作等閒看，十五歲來人幾人。

瓊林一自宴初闌，鴈影東西幾度寒。多謝君能尋白約，頭令風彩動長安。

少年豪氣貫青旻，上苑流鶯正轉春。百五十年今感在，不堪落似晨星。

宴集同歡氣味投，高風不減曲江遊。要知盛事垂千古，須把文章托狀頭。

題雪坡二絕

天雨瓊花作玉坡，先生此際趣偏多。任他党氏羊羔美，其似陶翁風味何。

子猷放棹剡溪夜，孟光騎驢灞水時。萬象乾坤同一色，梅香月淡入吾詩。

新正夜與吳姐夫對酌有感

一夕相歡百歲同，燈花搖落酒杯紅。醉來不覺情懷闊，俄聽樵樓報曉鐘。

醉中把酒不勝悲，強自開顏勸一卮。明年此際知誰

在欲與君歡未可期
此夕與君歡笑開沉沉更漏苦相催百年情好誰能
似明歲望君君尚來

勉袁生

莫謂青年未及時光陰過隙似駒馳古來樹業皆英
妙慎勿蹉跎自悔遲

題竹

兩竿碧玉倚晴雲秀發新枝拂斗杓不學千祥芳競春
媚要看晚節共秋高

題竹畫二首

三五琅玕也自奇移來庭畔最相宜休嗟老幹教飛雲
重還喜新梢帶雨露滋

春雨桐江竹數竿夢中時為報平安何當脫却
去獨倚雲根恣爾看

寄意

萬里艱關憶故知那堪大道更多岐明朝獨上滇南
路回首山城有所思
日日催車望晉陽北望南斗抱瓊探琴書已逐駉蹄
去留得清風滿路香
共說君才適等夷雅懷無處不相宜高山流水詩二
首明月清風酒一卮

張飛廟

雲陽州郭枕江流夾岸重巒翠欲浮多少英賢任水
映虎臣香火獨千秋

高塘驛

言年來玉賦高塘神女應憐夢楚王暮雨朝雲魂不
改陽華草色自凄凉

過忠州捐廩米一石與先賢祠二首

子過忠州吊唐陸宣公墓慨想英風徘徊久之

因訪李吉甫白居易胡且諸賢皆謫官是邦

有祠香曰故有今廢矣子曰盡興舉乎余曰諾

予顧檢點行囊廩米一石耳遂發去以為張本

復作三詩以勉其成毋徒畫餅為也

忠州自昔萃名賢祠宇淪堙屬幾年喜過關西良太

守曾看輪奐美於前

諸賢行業昭當世千載英風祀後人抑重廣文昌古

道能令廟祠一時新

人有求為吳太伯之後者弗諧

一自文身竄海東遙三華胄強求通乞哀昏夜曾何

恤寧似當年讓國風

送王生文冕赴浙江鄉試

蛟龍海底不知深畧得珊瑚價万金珍重待時須十

載休將光景露山林

少年挾冊覲

明光大欲成材不小量大比正當歸去日桂林高折一枝

香

六月二十一日雲布不雨

酷氣炎三播旱塵生民憔悴廢農耕老天空有為霖

意底事東風不作成

...

...

...

...

...

...

...

...

...



